

蒙
古
游
牧
記

蒙古游牧記卷之二

平定張 穆石州撰

光澤何秋濤願船校

內蒙古卓索圖盟游牧所在

喀喇沁 土默特

喀喇沁部在喜峯口東北三百五十里至 京師七百六

十里東西距五百里南北距四百五十里東至土默特

及敖漢界西至察哈爾正藍旗牧場南界南至 盛京

遼牆界北至翁牛特界春秋山戎地秦漢遼西郡境後

漢爲鮮卑地

後漢書鮮卑傳以季春月大會於饒樂水上又檀石槐乃立庭於禪汗山讞仇水山

去高橋北三百餘里承德府志案饒樂水卽今英金河正當今赤峯縣北境通攷於檀石槐庭注馬邑郡界是

檀石槐建庭之處在今朔平大同二府北境外而東至英金河左右皆鮮卑疆域所及知今承德府屬之北境皆鮮卑

晉爲慕容氏地

慕容廆元康四年移居棘城元

魏時有庫莫奚居此

隋但曰奚北史奚傳庫莫奚其先東部宇文之別種也初爲慕容皝

所破竄匿松漠之間齊受魏禪歲時來朝其後種類漸多分爲五部有阿魏氏遂盛熱河志案庫莫奚初竄匿松漠當在今承德府屬北境之外逮魏太和四年之後始與安營二州民雜居漸徙而南散處今灤平縣豐甯縣平泉

唐太宗初奚內附置饒樂都督府隸營州後分

爲東西奚尋併於契丹

五代史四夷附錄奚當唐末居陰涼川在營府之西幽州之西

南皆數百里後徙居琵琶川在幽州東北數百里契丹阿保機強盛室韋奚靺鞨皆服屬之奚人常爲契丹守界上而苦其苛虐奚王去諸怨叛以別部西徙媯州自別爲西奚而東奚在琵琶川者亦爲契丹所并不復能自見熱河志案五代史所云奚在營府之西指營州都督府至稱奚在幽州西南者蓋指唐時僑置諸奚州而言

如鮮州崇州治潞縣歸義州治良鄉縣之屬然攻唐時
僑置之州但以降人散處內地聊立州名以統之其實
奚之疆域自在幽州東北也奚既分兩部之後惟東部
在今承德府屬境之內據遼史太祖紀五年親征西部
奚所向輒下遂分兵討東部奚亦平之於是盡有奚舊
之地東際海南際白檀承德府全境是時盡入於契丹
攻阿保機之五年當後梁遼統和二十五年以故奚王
之乾化元年距唐亡四年

牙帳置中京大定府領大定長安富庶勸農文定升平歸化神水金源九縣新唐書地理志

志長城口北八十里有吐護真河奚王牙帳也自虛龍
北至奚王牙帳六百里熱河志奚王牙帳在平泉州東
北今之土河即新唐書奚傳所謂吐護真水在喀喇沁
右翼旗之南今之英金河即饒樂水在喀喇沁右翼之
北奚王牙帳正居其間遼史地理志五帳院近故奚王
牙帳地城之號曰中京知大定府即故奚王牙帳也
王沂公行程錄中京大定府城垣庫小方圓纔四里許
門但重屋無築閣之制南門曰朱夏門內夾道步廊多
坊門又有市樓四曰天方大衛通闡望闕次至大同館
其北門曰陽德闡闡城內西南開闡上有寺城南有闡

國宴射之所自過古北口卽蕃境居人艸庵板屋亦務耕種但無桑柘所種皆從隴上蓋虞吹沙所壅山中長松鬱然深谷中多燒炭爲業時見畜牧牛馬橐駝尤多青羊黃豕亦有挈車帳逐水艸射獵食止糜粥沙糝

金貞元元年更爲北京置留守司

領大定長興富庶松山神山惠和金源和

武平靜封三韓十一縣廣甯興中臨滿元爲大甯路

隸遼陽行省

初爲北京路總管府至元七年改爲大甯路

大定龍山富庶和眾金源惠和武平七縣義興中瑞高錦利惠川建九州其興州松山縣屬上都路案大甯故城在右翼南百里喜峯口東北四百八十里老河北城周二十里南北四門東西二門蒙古名察罕蘇巴爾罕城城中街道倉庫樓閣依稀可辨城內有浮圖二一在城東南隅十三級一在舊倉旁城外西南隅有浮圖一

高宗純皇帝有大甯塔詩

明洪武中置大甯都指揮使

甯城覽古詩題大甯塔詩

封皇子權爲甯王以鎮之

領大甯中左右及會川木榆新城營州等二十餘衛

二十一年改爲北平行都指揮使司

距北平布政司八百里

永樂

初改封甯王於南具徙大甯都司於保定以大甯地賜

三衛西長朶顏取強

朶顏近譯改作諾音初洪武二十二年置朶顏泰甯福餘三外衛於

大甯北兀良哈之地以降人阿札失理等爲指揮官自

全甯厯喜峯近宣化曰朶顏衛永樂時割大甯地界三

衛以脫兒火察爲都督僉事哈兒兀歹爲都督揮同知

掌朶顏衛事朶顏地險而強時陰附韃靼爲邊患

輿紀要三衛諸帥萬厯後分部散居莫能自振乃折而

東合實爲殘剽之本焉熱河志案今承德府木境灤

平縣豐甯縣平泉州建昌縣爲朶顏衛地朝陽縣爲泰

甯衛地又案三衛分界惟朶顏泰甯二衛屬今承德府

全境地王世貞三衛志以爲分界定於太祖二十二年

鄭曉吾學編以爲定於永樂元年明史諾顏傳從世貞

說然當太祖二十二年正分置大甯諸衛之時朶顏三

衛安得獲出其地卽以爲定於永樂元年者亦未有的

據攷明實錄永樂元年十一月命新昌伯唐雲領軍自

小興州大興州東接牛嶺會州塔山龍山諸處屯種北

勿出會州西勿過千戶寨又永樂十九年十一月命邊
 將置邏騎營於古北口北神樹之地是其時開平以東
 興州以北二三百里猶爲內地三衛之界安得西近宣
 府宣德三年邊將奏兀良哈入大甯經會州將及寬河
 景泰元年三衛乞居大甯廢城不許令近邊二百里外
 住牧曰入曰乞是其時故大甯城猶爲邊外隙地三衛
 之界安得南抵喜峯今以諸書參攷之據吾學編方輿
 紀要載洪武二十二年分兀良哈爲三衛於潢河之北
 曰福餘曰朶漢曰泰甯是三衛之始其地皆在潢河北
 也終洪武之世未嘗內徙洪武時大甯衛北尚有全甯
 衛自全甯衛北始爲朶顏三衛其時邊外諸衛總隸北
 平行都司大甯特行都司所治之地耳永樂元年三月
 始割大甯衛地以界三衛大約卽其近三衛之地割以
 與之其故城尙未割特徙衛之後棄爲空城故景泰時
 三衛乞此城而未許也至大甯城南更非其地其建庭
 處仍在潢水北英宗實錄稱正統九年討三衛經大小
 興州過神樹破之於全甯及虎頭山可證也景泰後令
 去塞外二百里居住始更徙而南攷故大甯城距邊四
 百五十里新城距邊三百九十里其時已令近邊二百
 里猶不能居大甯廢城是邊外甌脫地向遠自明中葉

以後形勢日蹙邊牆以外視如敵國大帝諸衛始盡爲
三衛所有吾學編載嘉靖十一年巡撫王大用欲通朶
顏與厚略城其霧靈山不果霧靈山在馬蘭關外遵化
州界上是其城南抵長城矣明史據世貞之說以後來
之疆域爲最初之版圖

未爲核實故詳辨之

初元臣有札爾楚泰者生子濟

拉瑪姓烏梁罕氏

西齊偶得喀喇沁爲烏浪漢濟爾默
氏蓋卽明初所謂兀良哈者蒙古

源流鄂爾多斯者乃爲汗守禦八百室之人烏梁
罕者乃爲汗守金穀倉庫之人均屬大有福者

佐太

祖定天下有功七傳至和通有眾六千戶游牧額沁河

號所部曰喀喇沁

蒙古源流達延汗次子巴爾斯博羅
特生子七第四子巴雅斯哈勒庚午

年坐占據永謝布之七鄂拓克喀喇沁而居

理藩院

理藩院

則例康熙五十四年覆准喀喇沁楊樹溝雅圖溝大波

羅樹等處產鉛察明地方准令開礦屬內地者准民人

開采屬蒙古者准蒙古開采所定課每年納鉛交錢局

雍正元年禁止

高宗純皇帝經喀爾沁部落詩

列帳沿岡道左迎羊羣馬駱各將誠親藩眾建堪同例

西域羈縻豈近情漫擬星辰環北極也知稼穡望
西成百年化育皆先德繼緒心殷惕捧盈三旗

右翼旗札薩克多羅杜棱今作都楞郡王游牧濟拉瑪十四

世孫蘇布地世爲所部塔布囊天聰初以察哈爾林丹

汗虐用其眾偕同族色梭等來降表奏察哈爾汗不道

默特鄂爾多斯阿巴噶喀爾喀諸部兵赴土默特之趙

城擊察哈爾兵四萬還值赴明請賞兵三千復殪之察

哈爾根本勅搖機可乘皇帝倘興師進剿喀喇

沁當先諸部至諭遣使面議七月遣喇嘛偕五

百三十人來朝命貝勒阿濟格碩託迎宴刑白

馬烏牛羶九月上親征察哈爾蘇布地等迎會

於綽洛郭勒三年六月率圖魯巴圖詔還舊牧尋卒念蘇布地與

爾孫色梭等來歸科爾沁土謝圖汗奧巴並

以蘇布地子固魯思齊布掌右翼授札薩克崇德元年

封固山貝子

賜多羅杜梭號順治七年晉貝勒

子圖巴色稜班達爾沙札什相繼襲康熙七年追敘蘇

布地功晉班達爾沙郡王爵世襲罔替

佐領四十四額存設四萬四千

八百二十一石四斗

理藩院則例載喀喇沁王旗下公主子孫塔布囊向無班夫每年一人來京案札什次

在旗界坤都倫溝門子東北二十五里塋上恭鑄

康熙壬辰年

聖祖御賜碑有慶都寺

牧地

案牧地屬今承德府平泉州東北境在園

場東跨老哈河

隋書契丹傳當遼西正北二百里依託統臣水而居唐書地理志長城口北入

百里有土護真河奚王牙帳也遼地理志中京大定府

有土河金地理志大定府大定縣有土河長興縣三韓

縣有塗河元一統志塗河源出惠州西北經縣界入十
里東北流入大甯縣南境至大甯縣東北境二百二十
里入高州境又東北流至行營坤地契丹國志契丹有
水曰北也里沒里復名陶猥思沒里源出中京西馬盪

山東北流華言所謂土河也方輿紀要土河自馬孟山發源逕大甯衛南又東北流至朶顏衛之木葉山合於潢水者是也初纂承德府志老河在平泉州西北境源出州屬喀喇沁右翼南百九十里之永安山會諸小水東北流自大甯故城之西南逕大甯故城之東北又北流入朝陽縣北境共行五百餘里與潢河會下流爲遼河亦名土河又作塗河卽古託紇臣水亦名土護真水蒙古名老哈穆楞熱河志案隋書稱契丹依託紇臣水唐書又稱奚依吐護真水者蓋土河流經五百餘里發源今平泉州境流入今建昌朝陽縣北境當初發源時爲奚王牙帳所在及東北流至潢河南則屬契丹之地正當隋遼西郡正北也又舊以託紇臣水在遼西正北二百今潢河之別名故隋書稱託紇臣水在遼西正北二百里唐書稱潢水在營州北四百里則託紇臣水尙在潢河之南相距二百里不得強合爲一又謂土河之名始於遼時疑卽今之白狼水亦非攷隋書契丹傳有託紇臣水而地理志又有白狼水唐書地理志有吐護真河奚傳有吐護真水而又有白狼河兩名分見必非一水至方輿紀要稱土河亦名溫榆河攷遼史地理志稱奚

部建牙當饒樂河之南溫榆河之北下文又稱聖宗過
土河之濱因議建都土河詩長叫山旁一水源北流迢
辨而明矣朱蘇頌過土河野冬後層冰度輻輳自艸悠
遜勢傾奔秋來注雨彌郊野終朝跋涉無休歇遙指邳
悠千嶂路青煙裊裊數家邨終朝跋涉無休歇遙指邳
亭日已昏自注中京北一山最高土人謂之長叫山此
河過山之東才可漸車又北流百餘里則奔注瀾漫至
冬水厚數尺可過車馬而水底細流涓涓不絕注互見
中旗牧地下元一統志大甯路塗河千秋橋又龍王廟
在大定府南關外塗河之濱乙酉歲建遇旱禱雨輒應
東至鄂博噶圖 二百里接敖漢界 旗東爲故金源縣
地案方輿紀要金源縣在大甯路西據元
一統志謂喀喇沁右翼界九邊圖謂縣在大青山西據元
一統志金源縣東到興中州一百里到大甯路二百里
元興中州即遼興中府大甯路治即遼大定府知遼縣
在大定府之東興中府之西爲今平泉州屬喀喇沁右
翼旗東境元一統志玉清觀在金源縣西北隅 旗
東二十里有和爾圖坤都倫喀喇沁山七十里有萬歲山
蒙古名烏爾圖納蘇圖波羅九邊圖萬歲山在 旗
東北 大梁河北東南有同昌故縣及宜民興城等縣並

在大梁河北八十里有秋鷹山蒙古名額卜特九十五里
里有伊瑪岱山百五里有錫納喀喇山百二十里有超
圖喀喇山有七金山蒙古名和爾博勒津遼史地理志
聖宗親七金山土河之濱南望雲氣有郭樓關之狀
因議建都元一統志七金山在大甯縣北十五里東西
長十里南北廣五里山有七峯因名遼時嘗建三學寺
於其中方輿紀要七金山在大甯衛東南中多長松一
望鬱然北人皆畜牧於此衛境之大甯故城元大甯縣即
遼金大定府屬之大定縣今和爾博勒濟山漢名與古
道金大定府屬之大定縣今和爾博勒濟山漢名與古
相同在老河東岸距大甯故城不遠知爲古七金山矣
明一統志稱烏梁海有七金山應亦指此又案遼史載
道宗清甯十年九月幸七金山三學寺元一統志三學
寺在大甯縣北十五里七金山上遼成雍元年建有碑
後罹兵火碑字剝落難辨金趙秉文七金山寺詩刻簷
篆額森蝟涎象教塵埃閱百年殿棟猶題遼日月圖經
不載禹山川荒神盤屈蜿蜒古壞壁參差罔象拳想見
當年崇奉且無邊花雨散諸天知寺在金時已毀三學
寺後改名圓明湛然居士集三學寺改名圓明仍請子
爲功德主因作疏曰學三學之巨剎冠四海之名藍今

改僧而舍尼遂從禪而革律邀印公爲粥飯頭請湛然
爲功德主一統志古圓明寺在喀喇沁左翼西七十里
碑刻元時建基存寺毀元張翥蛻庵集游城南三學寺
詩城南多佛刹結構自遺金旁舍遺民在殘碑好事尋
兩蒼崖壁噴風葉石幢深一飯蒲團了蕭蕭鐘磬音百
五十里有如山蒙古名哈特哈山九邊圖如山在冷口
北九十五里山頂不生草木故名百八十里有大紅螺
山蒙古名巴顏烏蘭山九邊圖大紅螺山北有椴木沖
毛安鋪明史朶顏傳正德十年朶顏都督花當遣其子
把兒孫以千騎毀鮎魚關入大掠馬蘭谷復以五百騎
入板場谷千騎入神山嶺又千餘騎入水闊洞事聞命
副總兵桂勇禦之花當旋退去屯駐紅羅山疑卽此大
紅螺山也旗東四十里有碧圖克圖嶺旗東百五
十里有落馬河蒙古名伯爾克源出大斧山北流至敖
漢西南入老河金史大定府松山三韓二縣有落馬河
卽此有烏巴河源出如山西北流與西爾虎林河會又
西北入南至霍落蘇泰甯城注見前百五十里有故大
老河初元將納哈出據金山洪武二十年金宋國公馮
城明初元將納哈出據金山洪武二十年金宋國公馮
勝等率師出松亭關築大甯寬河會州富峪四城留兵

居守所築之大甯城卽此曰新城者以別於遼金元故
城也置新城衛周十里東西三里有奇門五蒙古名喀
喇城土人稱爲黑城又曰青城乃新城之譌也二百七
十里舊會州城周三里餘四門蒙古名察罕城本元
惠州城後譌爲會州門攻青城至會州二日程離大喜
峯口一百餘里又云大甯西南至青城七十里青州西
南至會州一百里會州西南至喜峯口二百里元一統
志興聖寺在大定府東南隅致用坊金明昌六年建玉
清觀在致用坊遼統和二年建頭陀禪院卽永安禪院
在大定府致用坊萬頭陀所建翰林院學士李磐撰碑
圓宗寺在大定府東北隅豐實坊遼統和二年建盛聖
寺在豐實坊有佛舍利塔遼統和四年建成聖寺在豐
實坊有磚塔金皇統二年建崇實寺在豐實坊金皇統
二年建太子寺在豐實坊金貞元二年建楞嚴寺在豐
實坊金大定二年建大覺禪寺在豐實坊金大定二年
建翰林院學士鄭子丹撰碑護國寺在豐實坊金泰和
元年建華陽宮在豐實坊遼統和二年建報聖寺在大
定府西南隅貨遷坊遼統和八年建三皇廟在貨遷坊
淨安寺在大定府西南隅利通坊金皇統八年建五岳
觀在利通坊傳教寺在大定府西北隅勸善坊金皇統

七年建崔府君廟東岳廟城隍廟白鶴宮並在大定府
世恩坊白蓮寺在大定府南關金明昌六年建三靈侯
廟在南關乙酉歲建鎮國寺在大定府西關有鐵塔遼
統和三年建義勇武安王廟在西關壬子歲建翠微寺
罔極寺在大甯縣西靈感寺在大甯縣西二里三學寺
在大甯縣北十五里臨觀昊天寺在大甯縣西一百里
香臺山遼乾統七年建金太和六年杜元撰碑熱河志
故大甯城南十家兒帳有古靜安寺遼咸雍開南陵郡
蕭夫人建寺趾尙存有資聖院金劉子初靈峯院大佛
洞碑稱靈峯院遭兵火後於皇統辛酉歲請中京資聖
院僧遵說嗣興之遊中京大定府至金爲北京皇統時
尙未改故碑文仍稱中京也院當與大甯故城相近有
會禪寺金趙秉文重九登會禪寺冷翠軒詩云明朝御
望登眺處城中惟見白雲峯知當在大甯故城外今遺
趾皆無攷承德府志案靜安寺在大甯縣故城南里許
基趾周圍數十里碑字尙完好額書大遼義州大橫帳
蘭陵郡夫人蕭氏創建靜安寺碑銘宋蘇頌游中京鎮
國寺詩塔廟奚山麓乘輅偕共登青松如拱揖棟宇欲
駕騰夷禮多依佛居人亦貴僧縱觀無限意紀述恨無
能趙秉文題靈感寺詩塗河岸北白蓮東法鼓驚飛石

碣鴻塔上風煙高鳥路山頭雲氣化人宮松林礙日蜂
房冷石砌頽沙蟻穴空欲盡休公揮塵樂鬢絲羞對落
花風旗南九十五里有雞冠山蒙古名哈特呼朗圖
九邊圖山石如雞冠故名山麓有靈隆寺舊趾百二十
里有和爾和克阿圭山上有三洞二洞皆僧居依洞架
楹構精舍於其側戶牖旁通隨山向背其東則和爾和
克河出焉西則賽音河發源其麓百三十里有欣斯虎
峯山百三十五里有蟠羊山蒙古名伊瑪圖哈達百四
十里有呼查察罕陀羅海山百四十餘里有察爾吉山
百五十里有神山蒙古名拜察山遼史地理志中京澤
州有神山元一統志神山在惠州西南十三里東西長
十里南北廣八里中有古廟承德府志案元惠州卽遼
澤州在今平泉州南境與此方位相合當卽古神山也
百七十里有富山蒙古名巴顏山百八十五里有拉克
圖爾山百九十里有永安山漢名馬盃山地產鉛沙老
河發源於此蘇子容所謂長叫山也又名唱叫山契丹
國志東過小河唱叫山道北奚王避暑莊有亭臺案小
河亦土河之譌元一統志馬盃山在大甯縣西六十里
中有一峯形類馬盃故云方輿紀要馬盃山在大甯縣
北山東西千里南北五百里北接故陳潢境高松等州

皆在共南土河之源出焉熱河志案宋王曾行程錄
富谷館東望馬雲山多禽獸林木國主多於此打圍
馬益與馬雲乃音之轉實一山也歐陽修詩馬益山西
有落霞應卽指此百九十里有方山蒙古名特卜什山
二百里有昌吉爾岱山二百里有都呼喀喇山二百
三十里有拉克拉哈爾山旗南百三十里有克依斯
庫哈達百七十里有烏呼曼嶺二百里有額林畢老圖
嶺二百二十里有雅嶺蒙古名克勒達巴罕二百里有
雅圖谷二百四十里有台吉哈巴齊爾谷旗南百四
十里有呼查河源出呼查察罕陀羅海山東南流會司
札爾台河入老河百里有和爾和克河東南流經和
爾和克阿圭山入老河百里有布爾罕阿喇善河漢名
上神水河以左翼亦有神水河故稱此爲上神水東流
三十里入老河九里有巴爾漢河東南流會神水河
入老河有納林坤都倫河東北流會數小水繞舊大窟
城之北入老河入十里有松吉納河東流會納林坤都
倫河入老河四十里有巴蘇台河東流會納林坤都倫
河入老河四十五里有哈奇爾河北流會錫伯河百六
十里席爾哈河南流會樺子河又南會察罕和屯河
百九十里有樺子河東南流經都和喀喇山會察罕和

屯河二百里。有青龍河。蒙古名固沁河。源出昌吉爾岱山。南流至列山梁之南。人左翼西境。又過建昌縣南。至桃林口。入邊下流。入灤河。二百十里。有察罕和屯河。東南流。又折西南。百餘里。入灤河。旗南七十里。有烘郭爾泉。百里有巴爾罕。溫界南流。會上神水河。二百里。有溫冷特泉。二百三十里。有拉克拉哈爾泉。源出拉克拉哈爾山。東南。西至察罕鄂博。旗西八十里。有萬松山。蒙流會豹河。蘇台遼史地理志。中京大定府有松山。元一古名納喇蘇。在富庶縣西五十里。南北長二十里。東西廣統志。松山在富庶縣西五十里。南北長二十里。東西廣五里。地多松。因名。承德府志。案納喇蘇台山。與遼史元志所載方位相合。至遼上京臨潢府。有松山。又松山州亦以松山得名。皆非中京道所統地。應在今赤峯縣境內。與此別。八十餘里有庫都爾圖山。亦名陷山。九十里。有庫力葉圖察罕陀羅海山。羅聯山。蒙古名拉呼拉哈爾。百里。有放保爾威遜圖山。百餘里有默沁察罕陀羅海山。形勢高大。北接圍場諸山。南與默沁達巴罕山脈連。互故亦稱為默沁察罕陀羅海山。其東則錫伯河出焉。其北則圍場內之木壘喀喇沁河出焉。其西則固都爾呼河發源於此。卽熱河之西源。百十里。有阿嚕威遜

圖山烏巴勒威遜圖山 旗西七十里有蒙克嶺蒙克

泉出焉八十里有湯泉嶺百里有克爾嶺北泉一嶺

南泉一百五里有熱沁嶺茅溝河發源於其西為熱河

之中源 旗西百里有獐河蒙古名錫爾哈東北流入

翁牛特界八十里有細獐河蒙古名納林錫爾哈源出

湯泉嶺北流會獐河百三十里有木壘喀喇沁河西北

流會布屯河又西合宜遜河南入灤河百里有艾里河

源出拉克拉哈爾山北流會屯布河百十五里有熱沁

河源出熱沁嶺之飛嶺溝西南流會熱河百十五里有

二熱沁泉一出熱沁河東西流會熱沁河一出熱沁河

西東南流亦會熱沁 北至霍爾哈嶺 四十里接翁牛特

河下流為茅溝河 北至霍爾哈嶺 四十里接翁牛特

州懷德軍地熱河志案武經總要恩州本烏桓舊地南

至中京六十里西至馬益山六十里西北至曼頭山三

十里北至宜坤州五十里西至高州百二十里案遼恩

州至金卽廢方輿紀要恩州城在大甯衛西南與武經

總要南至中京之文不合攷金史太祖紀天輔六年克

高恩回紇三城進取中京是恩州與高州相近亦當在

中京之北為今喀喇沁右翼旗北境元一統志謂金天

眷六年廢恩州為恩化鎮入大定縣其故城為傳舍蓋

更古存文已二喀喇沁

十

恩州本與大定縣接壤故金時以州省入耳至武經總
要謂恩州北至宜坤州攷恩州至中京僅六十里南近
中京且高州尚跨中京之北是恩州之地未必能直接
上京道境云北至宜坤者誤旗北三十里有烏赫克
圖山四十里有鄂瑞台呼喇圖山七十里有綽東南至
和羅摩林達巴罕旗北三十里有努黑圖泉東南至
博勒多克山梁百八十里接中旗界旗東南為遼富
以其地沃壤置富庶縣人多力田比屋豐富故以為名
方輿紀要富庶縣在大甯衛東元一統志富庶縣東北
至金源元之富庶兼有文定升平歸化地知遼縣當在
大定府之東北金源縣之西為今喀喇沁右翼東南境
地名公營子有廢城陞周五里元一統志華嚴寺在富
庶縣旗東南九十五里有兔兒山蒙古名滔賚圖百
五里有喀喇和碩山亦名大斧山九邊圖大斧山在
海關東北黃河之南有柞山蒙古名巴圖察罕百五十
里有大青山蒙古名巴顏喀喇九邊圖大青山在老河
關東北萬松山西寬邦山北西有金源故縣北有老河
熱河志案元一統志謂金源縣東至興中州界青山嶺
二十里興中州西至金源縣青山嶺八十里青山嶺又

構青巒嶺攻元元統三年興中州青巒嶺平治道塗祀
有鄰封金源之語知青巒嶺乃金源與興中州東西交
界處蓋今建昌縣青巒嶺以西卽平泉州東界爲金源
縣地正當中京之東武經總要謂中京東至營州界青
山嶺百七十里與此相合九邊圖謂金源在大青山西
者亦卽指青巒嶺也百二十里有克克哈達山百二十
五里有摩勒津陀羅海山百四十里有錫特山百九十
山百五十里有托雷山百八十里有錫特山百九十二
里有達爾罕陀羅海山二百里有祭竿齊巴噶山二百
三十里有圖爾罕陀羅海山二百里有祭竿齊巴噶山
圖河東南流會納林坤都倫河入老河百里有烏魯斯
台河西北流入老河百里有伯爾克河源出大斧山
北流入救漢西南境入老河百八十里右土河蒙古名
圖爾根源出錫特山東南流入土默特右翼界又東
南入大凌河以其北別有土河或稱此爲南土河熱河
志卽古榆河也金史地理志利州龍山縣有榆河元一
統志榆林河源出和眾縣西三十五里司家店東南流
百餘里入利州境經州東三里霍司空莊入凌河承德
府志案元李察玉京觀碑稱跋利州之西憑榆河之渡
者長壽山也利州故城及長壽山並在今建昌縣治東

北七十里此河正流徑山下知卽榆河也元和羅縣屬
今建昌境榆林河亦卽指此百七十里有鄂倫布拉泉
北流會烏爾雅蘇台河入老河百八十里有博爾
多克泉源出博爾多克山東南流會圖爾根河西南
至氣努瓦河接熱河界旗西南百三十里有白石山
喇山旗西南百二十里有賽因河卽熱河東源源出
和爾和克山西之三道溝西南流入承德府境會固都
爾呼河有綽諾河西流會賽因河入熱河百九十里有
陶金圖河西流會喇林河南入灤河二百里有烏
喇林河西流東北至察罕河接翁牛特界旗東北七
會陶金圖河東北至察罕河十里有額克波羅山亦名
埽林山東南麓有古塔一十九里有額克波羅山百里
有阿里察克察罕陀羅海山有野狐嶺蒙古名烏納
格圖和碩百二十里有廟兒嶺廣八里高一里其北有
岡徑里許土赤如赫童無艸木土人言時有煙氣從流
彌漫西北至果勒圖河接翁牛特界旗西北九十里
山谷西北至果勒圖河有錫寶放爾山三十里有白鹿
山蒙古名布帖圖七十里有哲爾得罕林嶺旗西北
百五十里有克爾河源出拉克拉哈爾山東北流會綽

河九十里有烏爾雅蘇台泉源出
錫寶敖爾山西北流會克爾河
札薩克駐錫伯河莊

一統志作西伯河北會典作錫伯河西案錫伯即西白水道提綱西白河一名西白葛河源出旗西默沁察罕

時羅海山註見前旗境又有三道
管廢城城基周約十里東西有門
中旗札薩克輔國

公晉貝勒銜游牧固嚕思奇布從孫格塔勒
初名默納克後

賜今名會祖萬丹偉徵天聰三年偕兄蘇布地來朝崇德

元年敘功授一等塔布囊順治十三年卒康熙四十四

年以族屬蕃衍積至三十八佐領
百五十丁編一佐領
詔

增一旗授格塔勒札薩克世襲罔替五十八年卒無嗣

以弟們都之子喀甯阿襲喀甯何子齊齊克乾隆十九

年晉公品級齊齊克子瑪哈巴拉五十三年扈

駕木蘭行圍修治橋路奮勉封輔國公

理藩院議瑪哈
巴拉所襲札薩

克應令世襲罔替至公品級係
弗子襲侯出缺時請旨

恩封例
道光元

年加貝子銜十一年晉貝勒銜

佐領一額存穀四萬九
千六百五十七石三斗

牧地當老哈河源

米萬春薊門攷大甯城
林番云大河也自青山
西北有老花母

過大甯城南往東北與哈喇
案老花即老哈母林即木倫
道提綱白狼河亦曰土河蒙
出喀喇沁右翼南之明鞍山
西北經巴圖察罕和碩之東
折而東北流有和爾克河自
東又北有巴爾哈河自西來
甯城南又東折而東北有烏
餘里都倫河自西南來會又
界有喀爾吉河自東南來會
特界東南流合溫泉五谷帶
河錫爾哈河西自河及北來
草孫河諸水東流注之老

河錫爾哈河西自河及北來
草孫河諸水東流注之老

河水勢始盛案老河非白狼
河注互見右翼旗牧地下
東至博勒多克山接右南翼界

至拉克篤爾山百八十五里
接左翼界
西至霍爾果克接右北至翼界

岳羅梁接右翼界
東北至博爾噶蘇台接左翼界
西南至期札秦

河接熱河界
東北至查甘起拉古台接右翼界
西北至哈期爾梁

接右翼界
札薩克駐珠布格朗圖巴彥喀喇山總傳駐左右翼界內熱河

志案遼澤州治神山縣縣以山名遼志謂山在熱河西南
攷神山在今平泉州治當時縣治又在神山東北近倚

州治是遼澤縣城當在今平泉州治北喀喇沁札薩克
公旗界自是以南至邊城外皆為神山縣地其州屬西

南境所屆頗遠金史太祖紀既取中京遂下澤州旋降
北安州是中京之南即澤州澤州之西即北安州今平

泉州屬南境及承德府東南境皆澤州地也宋王曾上
契丹事曰鹿兒峽館過蝦蟆嶺九十里至鐵漿館自鐵

漿館過石子嶺自此漸出山七十里至富谷館自富谷
館八十里至通天館二十里至中京熱河志案鐵漿館

在平泉州境內富谷館在平泉州東北境內元一統志載大甯路古蹟曰富谷有站宋范鎮行富谷道中詩云沙路回山陡轉沙漫水平流蘇頌富谷館書事詩有云沙底暗冰頻踉馬嶺頭危徑罕逢人自注道路冰凍多在沙底彼人謂之暗冰行馬艱險百狀曾肇亦有富峪山頭一驛歸之句今無攷穆案富谷即富峪明初於此置衛明史地理志富峪衛本富峪守禦千戶所洪武二十二年二月置察富峪衛在新城衛西南爲喀喇沁札薩克公南境地門四城周九百丈旗境又有巴顏托哈廢城基高數尺周二里東西有門

左翼旗札

薩克固山貝子游牧

由熱河前詣

盛京道經喀喇沁

貝子旗進

蘇布地從叔父色稜初爲所部塔布囊天聰

九年

詔編佐領以色稜掌左翼授札薩克順治

五年敘功封鎮國公世襲罔替孫善巴喇什康熙五十

五年晉固山貝子六世孫丹巴多爾濟嘉慶八年以禽

獲逆犯陳德功

恩賞多羅貝勒

是年六月以丹巴多爾濟祖母

和碩賢良格格格守節壽八十歲

御書匾額賜之

并賚加意及幣

佐領四十額存穀二萬二千二百二

十九石

牧地

在今承德府當傲木倫河源大凌河在左

六斗

建昌縣南境

傲木倫河源一出縣東南之土

古名傲木倫有三源皆出建昌縣地一出縣東南之土

心塔北流逕威遜圖山東北流逕錫喇哈達圖山又北

至三台小營一出縣西南之水泉子東流至建昌縣南

一出縣北之三官營東南流至建昌縣南二源合而東

流至三台小營三源始會又東北折入土默特右翼界

又東南入邊爲大凌河卽古白狼水也水道提綱大凌

河出山東北流有生機河自西南來會又東北經土默

特右翼界受西北來之水又東北經木頭城北又東北

有小河二自北自西來合東注之又東北至古興中城

南西有一水自西自北合而東經城南而東來注又數

十里折而東南流入柳邊東南經義州城西又東南百

里經十二站城右屯衛城西又東南入海熱河志案水

經注白狼水出白狼縣東南廣城縣北流西北屈逕廣

成縣故城南俗謂之廣都城又西北石城川水注之又

東北自魯水注之又東北逕龍山西又北逕黃龍城東
元一統志凌水 sources 出龍山縣南六十里師婆塞至縣東
南十五里入利州界一云源出龍山縣南八十里紫草
務東北流一百里入利州界又經富庶縣東南三十里
案白狼水爲塞外大川老河既不得爲白狼水求其方
位適相當者惟有大凌河以水經注及各史證之白狼
水發源古白狼縣東南而流經古龍城東境漢書地理
志白狼縣下但注有白龍山而不言白狼水水經注始
以白狼縣爲白狼水所經又稱白鹿山卽白狼山也白
狼山在今喀喇沁左翼東境大凌河正流逕其西又水
經注白狼水北逕黃龍城東魏營州刺史治魏土地記
黃龍城西南有白狼河東北流附城東下是也魏書地
形志亦謂龍城縣有狼水黃龍城故地卽今朝陽縣治
大凌河正東北流逕其城東又攷舊唐書奚傳南距白
狼河新唐書奚傳亦曰南白狼河而地理志謂檀州燕
樂縣長城口北八百里有吐護真河奚王牙帳也老河
爲其卓帳之地而白狼河乃其南境與唐交界之處則
白狼河之在老河南可知今老河以南之水其發源最
遠而又東北流者舍大凌河別無它水故決爲古白狼
水也夫隋唐以前諸史有白狼河而不及大凌河遼金

以後諸夫有大凌河而不及白
狼河蓋名雖變而實卽一水矣
東至烏蘭哈達圖和碩

百里接土默特右翼界
旗東十二里有鄂倫和固諾
克山三十里有白鹿山
蒙古名布祜圖古白狼山也三

國志魏武紀北征烏桓引軍出盧龍塞東指柳城未至

二百里登白狼山魏書地形志營州建德郡石城縣有

白鹿山祠元一統志白狼山在建州南二十五里熱河

志案古柳城與龍城相近龍城故地爲今朝陽縣之三

座塔北魏石城縣在今建昌縣南今建昌縣南境本元

建州地也四十里有柏樹山蒙古名邁拉蘇合喀喇甯

遠州西南六州河發源於此蒙古所謂蒐濟河也
旗

東三十里有塔本泉源出塔本嶺東南流會蒐濟河

南至甯遠邊牆有翁噶里勒圖山七十里有托和多喀
喇山有瑞雲山蒙古名呼魯伯楚特山有五洞第一洞
廣二丈五尺高一丈五尺中有佛像石罅玲瓏五色互
映彫繢之功所不及旁行一甕竇底石若純漆自壁以
上白如堊秉燭視之具種種木禽獸形第二洞廣五
尺高三尺中隱四竇其二爲墜石所塞不得入其二皆
深丈許石作黃金色亦具人物形第三洞無它異第四

第五洞皆廣七尺高五尺上下相通狀如重屋洞南坡下有泉水極清列東流會菟濟河泉南二里又有一洞內生石筍如人背立形變態種種悉出天工山有雲谿觀舊址存元至正七年張道中撰瑞州海濱鄉周家莊雲谿觀碑元一統志雲巖洞在瑞州西一百三十里周家莊謂此承德府志案雲谿觀碑稱瑞州北二十里許有山曰瑞雲山洞曰天一大洞今土人但稱爲雲山洞元一統志作雲巖洞在瑞州西蓋此地元時爲瑞州西北境也九里有鎚子山九十餘里有寬山蒙古名布勒圖喀喇百里有五鳳山蒙古名塔本陀羅海百餘里有青山嶺旗南三十里有摩該圖河源出摩該圖嶺東南流經紗言山會菟濟河七十里有呼魯伯特河源出呼魯伯特山東南流入菟濟河八十里有額里葉河源出額里葉嶺南流至寬那門之西入甯遠州境名黑水河又南入菟濟河百十里有寬河蒙古名布勒圖源出布勒圖喀喇山東流會額里葉河熱河志案一統志原本謂明宣德三年大破三衛之兵於寬河卽此今攷明宣宗實錄宣德三年九月喜峯口守將馳奏兀朮哈侵邊已入大甯經會州將及寬河宣宗決策親征乙卯出喜峯口味爽至寬河則喜峯抵寬河甚近若

今會深河之豹河亦名寬河明初嘗置寬河守禦所者
別在平泉州境與此寬河方位不同舊志蓋以同名而
誤也百十五里有四道溝河西至烏里蘇太梁九十里
源出四道溝東流入菟濟河西至烏里蘇太梁接中旗
界出旗西五里有托蘇圖喀喇山三十里有胡圖克圖
喀喇山四十里有窟窿山蒙古名僧機圖古月華山也
有元僧無際撰碑頌曰大甯路惠州東錦川鄉月華山
林泉禪寺新建地產四至碑字尙完好碑稱僧祥盤册
立林泉寺正殿三楹壁續巽虛聖像右觀音寶宮左威
光堂歲至乙巳百廢具舉則寺落成於元成宗大德九
年也元一統志月華寺在惠州東一百九十里卽指此
雍正十一年卽碑側舊趾重建此山有石竇東西相通
故俗呼窟窿山廟案碑文有云中有巖竇號曰空峒空
峒卽窟窿也其稱名亦古矣五十里有占塔鳴兩山百
四十五里有陶金圖喀喇山有祭罕額里葉山旗西八
十五里有和爾圖達巴罕亦名長嶺又名順山百四十
里有額林畢老圖達巴罕又有固沁喀喇山東流入大凌
河承德府志案此與平泉州境之和爾圖河別四十里
有僧機圖河源出僧機圖山東流逕平房兒入大凌河

北至唐奇爾陀羅海

接中旗界

旗北百里有故利州城熱河志案方輿紀要利州城在

大甯衛東南地名琵琶川唐末契丹遷奚人於此一統志原本謂在喀喇沁左翼東北二十五里近甯遠州邊

外城西有三塔土人亦名固爾班蘇巴爾罕城據元一統志利州南至龍山縣北至富庶縣西至和眾縣知富

在大甯府東南境又攷元至元二十四年利州長壽山玉京觀地產碑爲白雲李察撰文白雲張洪禮書丹其

文云跋利州之西憑榆河之渡乞然魁秀者長壽山也長壽山在今建昌縣南境則利州故城當在今建昌縣

南境縣治東北七十里土人稱爲大城子亦名小三座塔正當中京之東南在喀喇沁左翼北百里所稱左翼

東北二十五里者誤也城東有金承安五年利州精嚴寺圓蓋和尚塔銘北京路轉運度支判官趙秉文撰同

蓋利州阜俗人從北京徵公付法大定六年開堂於精嚴寺繼主松林靈感時人稱爲蓋堂頭銘曰松漠之北

利州之東無縫塔樣八面玲瓏又有融安和尚塔在利州故城東天成觀之旁塔上有融安和尚靈塔六字年

月無亥元一統志會經樓在利州市心金章宗泰和年

建滿井在利州城南十三里鳳翼莊其水清冷冬溫夏

涼書夜外通至中夏正午浴漱見鹿難毫髮之微恩

可數居民引以灌溉用之醱酒其味尤佳祥靈寺護國

西齊王廟在利州西關棲真觀在利州東孫家莊洪廣

寺在利州東九十里昌國寺在利州東一百六十里龍

山廟在利州南二里雲峯寺在利州東南一百二十里

金山之嶺中有瀑布慶雲寺在利州北九十里石將軍

廟在利州西南二十里祈禱多應昭惠顯靈真君廟在

利州西北二里旗北二十里有驢山蒙古名達罕頭

降二十七里有車輪山蒙古名波羅特爾格四十里有

駝山一名弓梢山七十五里有棗山蒙古名齊巴噶圖

九十里有哈達圖陀羅海山百里有烏蘭哈達圖山亦

名錫喇呼峯有溫泉北山蒙古名哈勒渾穆克阿瑪爾

吉旗北百里東南至白喜隨門即白石背邊門旗

有烏哈爾溫泉東南至白喜隨門東南五里有香鑪山

蒙古名阿布察五十六里有噶海圖波羅山七十里有

紗圖山山頂一峯形如岸幘故名八十六里有伯爾克

喀喇山旗東南三十里有塔木泉嶺百里有青石嶺

南接甯遠州明水塘門界旗東南七十里有蒐濟河

源出柏樹山之毛頭洎南流逕都魯喀喇山至高臺堡

門東十里入錦州府甯遠州境六州河元一統志六州

河在利州東南入十里承德府志案元利州在今建昌縣東境縣之最東南爲元瑞州地又相傳名六股河蓋以摩該圖河呼魯伯楚特河額里葉河布勒西南至什圖河四道溝河五水及蒐濟之經流爲六也

巴貢額古爾梁

接熱河界旗西南四十里有樺山蒙古名威遜圖大凌河流經其麓百里有

栗山蒙古名呼什合圖

旗西南入里大凌河旁有故龍山城俗

里有貴石嶺

旗西南入里大凌河旁有故龍山城俗

呼喀喇城廢址

周三里餘其北卽大城子爲故利州城

西北卽小城子

爲和羅縣地西南卽永平府邊牆之冷

口元一統志淨修寺

聖峯寺崇教院隆祥觀並在龍山

縣東南隅極樂寺

在龍山縣西南十三里遼時建內有

劉鑿塑像龍泉寺

在龍山縣南一百三十里富山熊山

寺在龍山縣南六十里

熊山石柱山寺在龍山縣南八

十里石柱山中遼僧

東北至薩喇勒圖梁接土默特右

白羊大師建寺於此

北二十五里有故城周三里餘久圮城西有三塔土人

亦名固爾班蘇爾巴罕舊說以爲元利州城也注見前

又有土城周四里有奇土人稱爲小城子故和眾城也

城西里許有浮圖一元一統志重陽觀大清觀並在和

眾縣秦王魚石在和眾縣北三里七寶山中其石昔有
魚形熱河志案志載瑞州產秦王鱣以唐太宗征遼駐
此得名魚石之名疑卽因此今朝陽縣產魚兒石建昌
縣亦產魚兒石穆案朝陽之西建昌之東爲土默特右
翼喀喇沁左翼二旗地塔子溝紀畧塔子溝西北二十
五里有村名西北地四面皆山都北五里山之麓闕地
尺餘可得魚兒石其色或青或黃聖祖幾暇格
物編曰喀喇沁北方有青白色石開發一片輒有魚形
如雀雌黃或三或四鱗鬣首尾形體俱備各長數寸與
今所謂馬口魚者無異揚腮振鬣猶作鼓浪游泳狀朕
命工琢磨以褒研配以松花江石誠几案間一雅玩
也高宗御製魚石屏歌序曰今過土默特部落
路南有所謂撒哈河灘者土人種田掘地得石剖之有
魚形復剖之則復見大寸許小數分許銜尾此目若泳
游然製以爲屏不異王振鵬魚藻圖也然則列
朝所見其地皆不甚相遠奎章有夷檠賈沙蟲
矣西北至布爾噶蘇台接中旗界察喇齊山又名蒙庫巖山六十
里有鴻吉爾岱山亦名哈伯他海山又名伊曼碩隆山
七十里有大赤山蒙古名巴顏烏蘭亦名布呼察山入

十里有大白山蒙古名巴顏察罕亦名納里特山百四
十里有庫克山旗西北六十里有賽因台河源出鴻
吉爾岱山東流入大凌河八十里有石塔河蒙古名蘇
巴爾噶東南流經五官營入大凌河九十里有神水河
蒙古名阿爾善俗名熱水湯東南流逕濟爾噶朗營入
大凌河百里有泥濘亦名涼水泉蒙古名什巴爾台河
西流會青龍河元一統志與教寺浴室寺重陽觀大
清觀並在和眾縣承德府志察元和眾縣爲建昌縣西
北之小城子凡和眾縣諸寺札薩克駐巴顏珠爾克一
當在喀喇沁左翼西北境
志牛心山左翼貝勒所駐會典作居巴顏察罕山塔子
溝紀畧巴顏朱爾克山在塔子溝東南一百一十里漢
名影壁山在喀所部三旗與土默特二旗統盟於卓索
喇沁貝子府前
圖盟地在土默特右翼境內崇德元年冬
將征朝鮮集外藩諸蒙古兵會盛京
爾沁部由卓
索口入卽此貢道由喜峯口

土默特部在喜峯口東北五百九十里至京師千里東

太宗
詔科

西距四百六十里，南北距三百十里，東至養息收牧場。

界西至喀喇沁右翼界，南至盛京邊牆界，北至喀爾

喀左翼及敖漢界，古孤竹國，漢置柳城縣，屬遼西郡，晉

咸康中，慕容皝建都於此，改爲龍城縣。龍山之西爲龍

地乃營制宮廟，改柳城爲龍城，都焉。永和六年，慕容儁

請遷於薊，八年，建留臺於龍都，卽龍城也。隆安初，慕容

寶復都於此。義熙五年，馮跋自立爲天王，仍都龍城。

慕容熙墓在故龍城西十六國春秋後燕錄，慕容熙營

苻后墓，劉三泉、周輪數里內，則圖畫尙書之條，號曰嶽

平陵，及將葬，熙爲馮跋等所殺，高雲僭立，與苻后共葬

於嶽平陵，元一統志，嶽平陵在興中州西

三十里，慕容熙與苻后葬處，卽八角墓。

治，地形志，永安末，陷於羣賊，天年初，收復，領昌黎。

隋復

置柳城縣，唐爲營州都督府治。

舊唐書地理志，營州柳

城縣，室韋、靺鞨諸部並

在東北遠者六千里近者二千里西北與奚接界北與契丹接界寰宇記營州南至大海三百四十里北至秦長城二百七十里至契丹界遼後入於奚遼太祖平奚水四百里西南至平州七百里

置興中府

太祖平奚置朔州彰武軍重熙十年置興中府興中縣隸中京道金因之案遼金興中府

為今承德府朝陽縣治故城在土默特右翼西百里錦州府西北遼外大凌河之北城周七里有奇遼金所建三塔猶在上人稱為三座塔蒙古名固爾琿蘇爾巴罕城乾隆十六年於其地設巡檢司為塔子溝屬東境三十九年折置三座塔廳元降為州屬大甯路明初置三十四年改設縣治

衛自錦義厯廣甯至遼河曰秦甯衛

永樂初以忽刺胡

掌秦甯衛事三年阿散掌後其地為蒙古所據號所部衛事終明之世復服不常

曰土默特

高宗純皇帝土默特詩部名雖異族

年休息皇風致茲豈易凜余衷秦所部山中產檉櫛樹最多葉大如掌秋深霜沃其葉丹黃與楓林相映

或以爲卽樹也。初山東種地人攜蠶種出口試養以作繭。厚重宜寒。名構攤繭。其後人爭效之。建昌人尤工。今世所行建昌繭是也。豐年絲賤。匹銀二兩四五錢。可製袍服。二款歲絲貴。匹銀二兩七八錢。東民嘗欲專其利。蒙古與訟。官定收繭之時。以所息十分之一。給山主爲租稅。二旗分左右翼。異姓同

牧。左翼旗札薩克多羅達爾漢貝勒游牧。理藩院則例載恭遇

皇上出熱河前詣盛京道經土默特。札薩克達爾漢貝勒進膳一次。元臣濟拉瑪十三

世孫善巴與喀喇沁爲近族。祖莽古岱始由喀喇沁徙

居士默特。天聰三年善巴率屬來歸。九年詔編

所部佐領。授札薩克掌左翼事。崇德元年封達爾漢鎮

國公子卓哩克圖。康熙元年追敘善巴功。晉多羅貝勒。

世襲罔替。佐領八十額存穀六萬三千九百十二石三斗。牧地在今承德府朝陽縣東北。當

錫喀圖庫倫喇嘛游牧之南養息牧牧場之西東至岳

洋河

接牧場界岳洋河亦作鶴騰河在牧場西北九十里自旗東北流入邊會蘇巴爾哈河 旗東二十

五里有臥牛石泉

蒙古名烏克爾齊老西南流會蘇爾哲河六十里有百湖蒙古名兆布拉克 南至什

巴古圖山

三十里接柳條邊 旗南十里有西至巴噶

塔布桑

八十里有接右翼界 旗西十三里有密達木山

十里有湯圖河

東南流入邊 八十里有石塔河蒙古名蘇巴爾噶圖自有翼東南流入境又南流入邊案此與

喀喇沁左翼境之

北至當道斯河 界 旗北五里有陶

蘇巴爾噶圖河別

企圖山三十五里有伊克翁山麓有古塔一四十七

有巴噶翁山

四十餘里有台吉圖山山西有古塔一七

十里有阿哈里陀羅海

山七十五里有馬蓋山蒙古名

旗卜塔海

旗北入里有布爾罕達巴罕亦名盤道嶺

甯縣東北境

七十里有大堤河蒙古名蘇爾哲東南流入廣

山東流合烏訥河入十里有烏訥蘇台河東北流
會庫崑河百里有庫崑河源出喀爾喀左翼流入境又

東流入羨息牧河旗東南至烏達遜舉勒一統志作

北百里有烏哈爾溫泉旗東南至烏達遜舉勒一統志作

倫布坦插漢台九十里接柳條邊旗東南三十里有

野狐山蒙古名烏納格圖六十里有石塔山蒙古名蘇

巴爾格圖山塔有石塔一山半有石洞與右翼境之蘇

巴爾格圖山別七十里有七金山七金泉蒙古名和爾

博勒津八十里有西南至伊克翁格勒古山右翼界

烏拉布爾圖山旗西南至伊克翁格勒古山右翼界

旗西南三十里有幾羊山蒙古名伊瑪圖又旗西北東

入十里亦有伊瑪圖山圖十里有固爾班溫都爾山東

北至什巴爾泰口一統志作東北至黑頂山八十里接

河蒙古名額里葉源出哈喇陀羅海山東南西北至哈

流入邊與喀喇沁左翼境之額里葉河別西北至哈

喇噶圖喀左翼界又名哈喇陀羅海山華名黑頂山岳

洋河發源於此旗西北四十里有青蛇山蒙古名摩

該波羅五十里有黑山蒙古名超圖喀喇六十里有彌

勒山蒙古名邁達里 旗西北六十里有伊瑪圖河源

出邁達里山南流至清河邊門之東入義州境名細河
又東南流會清河入大麥河四十八里有馬鞍河蒙古
名錫喇塔拉源出摩該波羅山西南流會伊瑪圖河

札薩克駐哈特哈山 舊作海陀哈山亦名旱龍潭山會
典作居烏爾陀羅海山在喜峯口

東北八百二十里 大堤河發源於此 右翼旗札薩克郡王品級固山貝子

游牧元太祖十九世孫鄂木布楚琥爾與歸化城土默

特爲近族 鄂木布楚琥爾會祖阿爾坦 琥格根 汗明嘉
靖間據豐州灘築城架屋以居謂之拜牲即

明史誇爲板升者也後通好於明受順義王印因名所
居城曰歸化有子九長僧格號杜核汗鄂木布楚琥爾

僧格孫也案阿爾坦汗即明史所謂俺荅爲阿爾坦三
字之合音也據蒙古源流阿勒坦汗爲達延汗第三子

巴爾斯博羅特之子達延汗既稱汗於入白室前遂以
巴爾斯博羅特爲管領右翼三萬人之濟農俺荅之受

款也蒙古源流謂庚午年阿拉坦汗取四衛拉特城移
兵授明邊明人懼遣使給與孫王之號並給金印請和

案庚午爲明隆慶四年。明史稱是年俺荅西掠土番。卽此取四衛拉特城事。孫王卽順義王。蓋綜後事總說之。俺荅長子。明史謂之黃台吉。襲封復改。名乞慶哈。僧格慶哈亦譯音之轉也。父噶爾圖以避

察哈爾侵由歸化城移居土默特。

蒙古名流達延汗次子巴爾斯博羅特生

子七人。次阿爾坦丁卯年生。占據十二土默特而居。次拉布克台吉己卯年生。占據土默特之烏古斯而居。

林丹汗恃其強侵不已。鄂木布楚琥爾憤甚。因約喀喇

沁蘇布地等共擊敗之於趙城。恐不敵。天聰二年。偕蘇

布地上書乞援。尋來朝。九年。編所部佐領。授札薩克。掌

右翼事。

初所部設札薩克三。曰善巴。曰廣格爾。曰鄂木布楚琥爾。廣格爾與善巴同族。崇德元年。以罪

削札薩克善巴領其眾。自是所部分左右翼。

崇德四年卒。子固穆。順治五年

封鎮國公。康熙二年。晉固山貝子。世襲罔替。固穆五世

孫第七瑪呢巴達喇道光七年

賞郡王品級九十九

七額存穀七萬四千
五百十六石六斗
牧地在今朝陽縣西南在九關臺新臺邊

門外跨鄂木倫河鄂木倫河在游牧西二百里自喀喇沁左翼流入境東流經古興中城南

折東南流入邊為大凌河水經注白狼水又東北逕龍

山西又北逕黃龍城東又東北濫真水出西北塞外東

南歷重山入白狼水今大凌河由建昌縣東北流入縣

境六十里至旗境之木頭城子又百三十里逕朝陽縣

境入錦州府義州界遼地理志曰建州在靈河之南凌

河即靈河之異文開國方畧聯句詩註天聰五年九月

來敵乘風縱火將逼我軍天忽雨反風焚敵東至訥喀

兵遂大捷十月大凌河城降在此邊門內也

遜山九十里接左翼界旗東十三里有密達木山四

花山七十里有柏山亦名烽臺山有十六峯盤鬱四

十餘里山頂有遼安德州城廢基斷井頽垣猶可辨識

山半有遼靈巖寺舊陞元一統志興中州南三十里縣
互柏山熱河志案靈巖寺碑有里人施烽臺山四面隙
地之語知遼時本名烽臺山三座塔城內有元安思道
大通法寺上下院地產碑稱北至柏山是柏山之名至
元始著也八十里有勝香山蒙古名翁額勒庫遼史地
理志興中府有廟香崖天授皇帝刻石在焉今不存
旗東三十五里有石雞河蒙古名格爾庫爾台源出五
鳳山西北流會什巴爾台河入十里有翁額勒庫河源
出翁額爾庫山東南流至清河邊門之西南至魏平山
入義州境名北清河又東南流入大麥河南至魏平山
六十里接柳條邊旗南七十里有遼安德故城案今
朝陽縣東南柏山上廢城陞城外古井旁有遼乾統
八年安德州靈巖寺碑為朝請大夫守殿中少監知安
德州軍州事耶律劬撰知即安德故城故遼史地理志
安德縣析霸城東南戶置霸城即興中府為今朝陽縣
治此城正居其東南與遼史合旗南五里有臺圖山
三十里有平山一名神應山蒙古名蘇巴爾噶圖三十
餘里有努祿拉呼山亦名駐龍峪遼史興中府有駐龍
峪即此六十里有哈札噶爾山七十里有阿爾札噶爾
川旗南三十里有袞齊老河源出石塔山東南流入

義州境爲柳河川河又東流入大凌河五十里有水獺
河蒙古名哈柳圖源出蘇巴爾噶岡南流逕托羅克台
山入小凌河有女兒河蒙古名鄂欽東流至新西至鄂
臺門北六十里入錦縣境東南流入小凌河
朋圖山二百里接喀喇沁右翼界旗西有建州故城
願依漢人城砦之側給田以耕桑自贍許之乃自黃龍
府遷於建州南四十里給地五十頃令從者耕以自給
遼志州在靈河南屢遭水患契丹主隆緒又遷於河北
卽唐之故崇州城治焉元一統志李太后墓在建州熨
斗山之北熱河志案建州故城在朝陽縣西遼太祖置
建州治永霸縣州初在凌河之南聖宗遷於河北金因
之元以永霸縣省入明初廢元一統志謂建州東至興
中府西南至利州西至富庶縣北至金源縣今土默特
右翼旗西北七十里地名黃河灘有廢城跡東西二百
七十丈南北三百六十丈周十里有奇四門蒙古名喀
喇城城西北有浮圖十七級周十二丈其旁又有小浮
圖七級周四丈其東距縣治爲興中州地其西南達大
城子爲利州地當爲故建州城元一統志興隆寺在建
州西南隅紫微宮在建州東北隅又有荆崖在建州東

元一統志以建州東有荆水昔人決岸溉田故名承德
府志案五代史稱自遼陽行十數日過義州霸州至建
州北番地理志稱建州東北至霸州九十里南至渝州
五十里西南至小凌河十里又胡嶠陷北記稱建州之
南爲義州建州之北則土河土河之北則契丹中京大
定府也路振金人疆域圖稱建州南至燕京千二百四
十五里皆與今黃河灘之廢城趾方位相合 旗西六
十里有益山蒙古名喀喇脫歡山有重修金山神廟碑
知舊又有金山金釜互異字之謠耳九千里有青山蒙
古名波羅和碩百里有卓沁喀喇山亦名鳳皇山山頂
有河西北有古塔一百二十里有棗山蒙古名齊巴噶
爾喀喇與喀喇沁右翼之棗山別百五十里有妒山蒙
古名察卜齊克散噶察百六十里有哈卜塔海華山百
八十里有石塔峯山蒙古名蘇巴爾噶圖和碩上有三
塔二百里有大保山蒙古名騰格里蒙古二百餘里有
哈達圖喀喇和碩 旗西百里有博爾奇烏蘭峯上有
石洞 旗西百六十里有察罕河源出哈卜塔海華山
東南流入大凌河 旗西六十里有釜泉又名黑錫泉
源出釜山東南流會固都河入太凌河 旗西朝陽縣
南有鍊舍利塔遼時建靈感寺重熙中鑄鍊塔以藏佛

舍利後以定光佛舍利釋迦佛舍利一千三百餘粒改
 藏塔下塔宮今塔已無存土人嘗於其處掘土丈餘見
 地宮一所高八尺廣六尺五寸八面相等周遭嵌碑中
 有一碑字大二寸餘云惟大契丹國與中府重熙十五
 年丙戌歲十一月丁丑朔十六日壬辰起手鑿次年四
 月乙巳朔八日壬子午時葬釋迦佛舍利記末載辨塔
 主僧則覺華島海雲寺業律沙門志全也又有二片為
 天慶二年講經律論師慧林所撰釋迦定光二佛的身
 舍利塔記又有石觀音像在朝陽縣南境之天慶寺像
 高七尺圍五尺二寸遼沙門智公所造首唱胎字韻詩
 二章自兵部尙書門下侍郎平章事鄭若愚以下和者
 二十四人勒石寺中今尙存詩不甚工書頗古勁又有
 臥佛寺石佛在朝陽縣南昂吉山中高八尺圍四尺不
 詳何年所造蒙古於其地建寺寺中有遼應祿七年十
 月石幢記又有千佛洞石佛在朝陽縣南入十里山腰
 有洞穿洞口而入有三路其一東出中有大小石佛數
 十尊莊嚴法身具諸殊相洞前有碑石裂為三段鐫大
 悲心陀羅尼呪遼聖宗統和二三年立有報恩寺在
 天慶寺東北大塔下康熙五十一年重建有
 華雲寺在天慶寺東北雍正十年建有塔北至什喇

陀羅海

百二十里接秦曼界

旗北六十里有七寶山

有喀爾克沁山亦名錦屏山百十里

有狼山蒙古名統

諾圖山有古塔半圯山麓有金三學寺舊陟大定五年

重修有興中府尹改建三學寺碑里人韓長嗣撰文并

書將仕郎興中府都孔目官白魯王祁篆額後刻都維

那銀青榮祿大夫興中尹上柱國廣陵郡開國公食邑

二千戶賈封二百戶高思廉妻廣陵郡夫人高氏二夫

人高氏長男雲堂次男三學奴遵金舊制以經律論爲

三學擇僧行清高者爲綱首舉郡內經律論學優者爲

三法師凡取經律論師差官考試於各宗出題答義中

選者取三人命爲三宗法師蓋取重之三學之名取諸

此韓長嗣碑中稱遼建三學寺於府西兵興以來殿堂

廊廡俱無寺廢久矣大尹出游狼山其上有院曰祥禱

廢爲荆榛基趾頗有制度乃改修爲三學寺是遼於興

中府西建三學寺金始改建於狼山也元一統志興中

府狼山上有三學寺卽此與七金山之三學寺別也穆

崇蜀王建賢妃徐氏淑妃徐氏皆有學山夜看聖燈

詩則三學之義唐以來傳之矣旗北十五里有柞河

蒙古名巴圖察罕源出巴顏華山東南流會圖爾根河

三十五里有爛泥塘河蒙古名什巴爾合源出七寶山
東流會圖爾根河百里有卓索河漢名紅土河源出輝
果爾山東南流東南至鄂木倫河八十里一統志作喀
會圖爾根河東南至鄂木倫河爾七靈圖山旗東
南二十里有鳳皇山羣峯連亘周九十餘里山椒一塔
聳峙諸峯抱之如翠鳳昂首張翼形故名山亦有朝陽
洞洞有臥石佛像又塔旁一里有小洞亦有佛像以銅
爲之其北麓去朝陽洞二十里山勢伏而復起土人別
名曰麒麟山其實一山也山半西向有三洞夜半嘗聞
木魚聲因名聞仙洞卽古龍山也山半有天仙廟康熙
中建十六國春秋前燕錄慕容皝以柳城之北龍山之
西瀾地也使築龍城水經注自狼水東北流過龍山西
又北流過黃龍城東元一統志和龍山在興中州東南
北長六十里東西廣三十里一峯特聳號曰天柱孤峯
遠天授皇帝常獵和龍山建華嚴寺元安思道大通法
寺地產碑亦誌和龍山華嚴寺之名熱河志案龍山之
西水經注及遼史所引或作龍山之南攻龍山故城爲
今三座塔若以龍城在山之西則龍山當在三座塔城
東境若龍城在山之南則龍山又當在三座塔城北境
今水經注載白狼水先東北流逕龍山之西然後北

流逕黃龍城東則龍山當在龍城之東境迤南可知也
又攻柏山廢城有遼耶律劬靈巖寺碑稱北連龍岫前
俯郡城則龍山又當在柏山之北也今鳳皇山在三座
塔城東白狼水正流經其西與水經注相合又在積山
之北五十里與遼碑相合元一統志亦謂和龍山在興
中州東是龍山之在三座塔東信而有徵矣元一統志
又稱和龍山南北六十里東西三十里遼天授皇帝嘗
獵其間獲一香麝因名其厓曰麝香厓峪曰駐龍峪泉
曰神射泉所稱天柱孤峯乃元興中入景之一至於麝
香厓駐龍峪神射泉並見遼史與中州下麝香厓今在
土默特右翼東駐龍峪在右翼南而元一統志皆繫之
龍山者蓋此山形勢廣遠凡附近之峯皆其支脈耳在
元時猶稱龍山其改稱西南至烏蘭哈達圖和碩七十
鳳皇山者當始於近代 旗西百二十里有故漢兒城石
里接喀喇沁左翼界 旗西百二十里有故漢兒城石
晉李太后自馳至霸州見永康王求於漢兒城側賜地
種牧以爲生明年徙帝太后於建州節度使趙延暉避
正寢以館之卽此城也熱河志案建州有二城一在清
河之南一在凌河之北世宗之時州尙在河南也今土
默特右翼西南一百二十里地名五十家子有廢城遺

周二里許四門久圯城中有浮圖一在大凌河之南當
卽遼初之建州城所謂漢兒城是也 旗西南百二十
里有托魯克台山百五十里有道場山蒙古名庫里葉
亂山半有二洞內有石佛像與教漢之庫里葉圖山別
二百餘里有卓昌吉爾山斜袤三十餘里山形中斷山
南有穆墨河流貫其中夾山麓有泉注之下流爲小凌
河有威遜圖喀喇山二百二十里有明安喀喇山山色
深黝千峯競秀故名頂有石洞洞旁三泉交流爲小凌
河之源二百五十里有牛心山蒙古名巴顏濟魯克與
喀喇沁左翼之巴顏濟魯克山別二百八十里有鄂博
圖察罕和碩山有盤嶺 旗西南二百二十里有明安
河國小凌河源出明安喀喇山有三泉匯爲一河初名
穆墨河東北流爲明安河逕右翼南境至松嶺子門西
五里入錦縣境爲錦水卽古參柳河也漢書地理志遼
西郡橐駝參柳水北入海錢坵疑爲卽今出松嶺山之
涼水河非也遼史地理志興中府有小靈河元一統志
小凌河在興中州南一百五十里源出玉泉井溢而成
川流入錦州界熱河志案漢柳城縣在今甯遠州及錦
縣之西境所謂北入海者蓋自縣北而南流入海與今
小凌河方位正合遼之興中府元之興中州卽今朝陽

縣東北至巴圖察罕台

百二十里接左翼界

城東

總要白川州東至黔州七十里西至中京四百三十里

東南至宜州百里西南至霸州七十里熱河志案方輿

紀要川州有東西二城東川州遼所置西南至義州衛

一百五十里西川州金所置南至義州衛九十里蓋遼

與金各自有川州武經總要川州西南至霸州惟七

十里此遼之川州也元一統志川州南至興中州百八

十里此金之川州也一統志原本川州城址勝遼在土

默特右翼東北一百五里蒙古名卓索喀喇城今朝陽

縣治東北六十七里地名四角坂有廢城中有遼闕泰

二年石幢爲白川州官吏所建知卽遼川州故城也今

土默特右翼旗東北接土默特左翼旗境皆川州也旗

屬之黑城子北入里東嶽廟有元至正五年川州重修

東嶽廟碑記前儒學正徐潛撰醫學正張質書丹有遼

宜州故城案遼宜州卽金元義州本在今錦州府北界

據武經總要宜州西至霸州二百里北至川州元一統

志義州西至興中州界蛤蜊山九十里到興中州一百

八十里西北到川州一百八十里故知兼得朝陽縣境

峪道院故址有金皇統八年宜州廳峪道院復建藏經
千人邑碑東海徐卓撰文次金史地理志義州遼宜州
天德二年更名此碑在天德之前故仍稱宜州也據知
士默特右翼東北接土默特左翼南境爲宜州西境矣
碑文稱驪峪者耶律賽因溫家之墓所建以藏經皇統
六年火災忠顯校尉顏壽與邵人馬祐等重建院基周
一里許今惟石佛數尊尙存半已殘損有通吳軍壘永
平府志載遼中京宜州有江南水軍號通吳軍壘知當
在旗境修承平志者未審宜州所在而誤入也今無攷
旗東北六十里有烏蘭山九十里有馬鞍山蒙古名
錫喇得卜色克九十餘里有鄂斯和爾巴山百二十里
有波羅輝波羅溫都爾山百三十里有楊山蒙古名烏
里雅蘇台旗東北八十里有烏西北至呼什哈圖哈
里雅蘇台河西南流會圖爾根河西北至呼什哈圖哈
喇山亦名鐵旛桿山七十五里有香高山蒙古名溫
都爾華百二十里有布魯爾喀喇山百八十里有栗山
卽呼什哈圖哈喇山也上有四塔與喀喇沁左翼之栗
山別有青鸞嶺嶺北有古塔一嶺上巨石縱橫向稱險
峻蒙古謂之黃金大坦塔子溝紀畧嶺東爲土默特貝

子旗所轄嶺西爲救漢王子地方山頂有元元統三年
宣授興中州達魯花赤公平治道塗碑一名青山嶺武
經總要大定府東至營州界青山嶺一百七十里亦作
青嶺嶺元一統志青嶺嶺在興中州西八十里有金巖
寺旗西北百九十里有柳河亦名黑城子河蒙古名
布爾塔爾旗西北源出成遜圖喀喇山東南流經喀喇城入
大凌河旗西北二十五里有冷泉蒙古名奎騰南流
會朝陽縣之涼水河自朝陽縣西北小入灤平
地出泉約二里許東南流豬爲河行四十里訖又札薩
伏流二十五里仍出而東流十五里入大凌河
克駐巴顏和碩里亦名大華山在喜峯口東北五百九十
此又右翼東四十里及左翼北十五里各有巴顏華山
遼史地理志輿中府有大華山元一統志華山在利州
東一百六十里形勢孤狹宛若華嶽故名承德府志案
利州屬今建昌縣東境建昌東至朝陽縣治一百三十
里山在州東百六十里則已入今左翼附喀爾喀多羅
朝陽界矣故知謂此巴顏華山也

貝勒游牧巴勒布冰圖元太祖裔初爲喀爾喀台吉赫

西路札薩克圖汗部康熙元年汗旺舒克爲其族羅卜

藏台吉額琳沁所賤部仄潰巴勒布冰圖自杭愛山率

屬來歸 詔附土默特左翼札薩克達爾漢貝勒

卓哩克圖牧四年封多羅貝勒佐領牧地在錫喀圖庫

倫喇嘛游牧之西東至霍濟勒河接庫倫界南至庫崑河左

翼西至布圖昆地接喀爾喀右翼界北至愛篤罕山接喀爾喀左翼界

東南至烏蘇圖昆地接庫倫界西南至查哈爾額布得爾格

愛接喀爾喀左翼界東北至阿克達沁河接庫倫界西北至奇喇固

圖濠接喀爾喀左翼界統隸卓索圖盟理藩院則例載卓索圖盟內土默特台吉蘇克

都爾之妻所進人口凡遇此貢道山喜峯口附記歸化城土默特丁之年一體比丁另冊送院

阿爾坦汗四傳至博碩克圖汗博碩克圖汗卒林丹汗
襲有其眾天聰六年大軍征察哈爾林丹汗西奔唐古
特博碩克圖子俄木布及其部頭目古祿格杭高託博
克等集眾降俄木布尋以罪廢崇德元年編所屬爲二
旗不設札薩克以古祿格爲左翼都統杭高爲右翼都
統託博克後代杭高子巴桑掌右翼而博碩克圖汗裔
分隸左右翼稱台吉統歸綏遠城將軍轄散處於歸化
城和林格爾託克托城清水河產拉齊五廳之間北倚
大青山與喀爾喀右翼茂明安旗接界西與烏喇特旗
接界乾隆二十一年左翼台吉喇嘛札布因勦禽青滾
咱卜功詔封輔國公授札薩克增設一旗隸烏
蘭察布盟二十五年以罪削札薩克飭仍回旗効力所
部順治二年題准四季貢馬百六十三匹每年貢石
青二千斤乾隆三十四年停馬貢四十年停石青貢

蒙古游牧記卷之二

受業青陽吳式訓覆校

蒙古游牧記卷之三

平定張 穆撰

光澤何秋濤校

內蒙古昭烏達盟游牧所在

敖漢 柰曼 巴林 扎魯特 阿魯科爾沁

翁牛特 克什克騰 喀爾喀左翼

敖漢部在喜峯口東北六百里至 京師千一十里東西

距百六十里南北距二百八十里東至柰曼界西至喀

喇沁界南至土默特界北至翁牛特界古鮮卑地隋爲

契丹地

隋書契丹傳契丹當後魏時部落萬餘口內附止於白狼河

其後爲突厥所逼又以萬家寄於高麗開皇四年奉諸莫賀弗來謁五年悉其眾款塞高祖納之聽居其故地開皇末其別部四千餘家背

突厥來降部漸眾遂徙逐水岬當遼西正北二百里
依託紇臣水而居東西互五百里南北三百里分爲十
部熟河志案契丹部落最大當北魏時分爲悉萬丹等
八部居潢水之南在今建昌朝陽縣北境外太和時內
附居白狼河者乃其別部而其餘全部固尚居故地也
逮開皇之末來降之人既眾遂依託紇臣水而居今土
河卽古託紇臣水自喀喇沁東北流經建昌縣朝陽縣
所屬之北境敖漢柰曼二旗北境適當隋遼西郡薊州
州之正北是今赤峯縣及建昌縣朝陽縣北境正當日
契丹所徙居之地矣隋時託紇臣水之旁爲新降之契
丹所居潢水之旁則唐屬營州都督府後入奚遼金爲
契丹舊部所居也

興中府北境元爲遼王分地

案敖漢柰曼巴林翁牛特蓋兼得魯王分地詳見巴

林部明初入於蒙古元太祖十五世孫達延車臣汗長

子圖魯博羅特子二次納密克生貝瑪士謝圖子二長

岱青桂棧號所部曰敖漢

今又作鄂罕皇帝入敖漢境詩據嶺分置

高宗統

異清塵麗道同後先咸奉職誠敬自由衷漸見牛羊牧
仍欣禾黍豐時巡慎侯度繼序念

成功又有款

漢台吉彭蘇克拉錫能詩書以賜之絕句出守一旗札
黃沙塞入趨白玉堦幾曾金翁叔入侍解吟詩

薩克多羅郡王游牧岱青杜棱長子卓諾木杜棱次塞
臣卓哩克圖初皆服屬於察哈爾天聰元年以避林丹
汗虐率屬來歸且獻明誘降書

詔卓諾木杜棱

居開原塞臣卓哩克圖還舊牧

賜號都喇爾巴

圖魯後卓諾木杜棱以私獵哈達葉赫山巽奪開原地

順治五年敘征明功追封多羅郡王世襲罔替三年塞臣卓哩克圖從征明永

平師還卒子班第尙固倫公主授固倫額駙崇德元年

編所部佐領封札薩克多羅郡王世襲罔替

佐領五十
五額存毅

二萬一千三百四十四石二斗。道光二十二年理藩院則例：越救漢王旗下公主子孫台吉共六百十餘人，定爲十班，每班六十人，牧地。漢與正黃旗蒙古以札噶一年一班輪流來京。蘇合囊家台爲界，理藩院則例載：老河對岸順坡斯板囊金喀喇二處已開熟地三十七頃二十七畝五分。均令撩荒作爲救漢郡王牧場，又載：救漢郡王旗東自巴啟爾果勒以西庫蘇爾哈達起，西自伯爾克熟地以東庫倫布哈春之東薩察華山頂止，南自紹海卓博哩察罕蘇巴爾漢熟地界起，北至哈達圖多倫巴爾黨之北，松吉納圖山騰吉里格山頂止，熟地千七百八十頃。十四畝，起立鄂博，准其招民開墾耕種，每年塔子溝司員查核報院。案：救漢牧地在今承跨老哈河老哈河在德府朝陽縣之北，建昌縣之東北。跨老哈河老哈河在里自喀喇沁右翼流入境，東北流經喀喇山又東流入翁牛特界，熱河志：庫爾奇勒哈達在放漢東北七十五里，老河之中，大河夾流，此山亭然孤峙，又有玉濕在放漢北境，南距赤峯縣治五百五十里，卽老河之下。流石壁高聳，懸爲飛瀑，土人名曰響水。乾隆八年，鑿輿經此，賜名玉瀑，有詩紀之曰：我聞輿區天所賦。

疑信向半今信然浩浩萬里沙漠塞乃有瀑布崇岡懸
車塵方苦紛塢墜豁開壺裏別有天侵尋峯岫羅嘉樹
漸潤澗谷無埃煙是時仲秋眼晶凡忽間雷聲殷前川
坐令林巒失輕窺朔吟清眺萬慮蠲大者明珠小者瓊
如傾栲栳投深淵虎狼駭走不敢飲下疑千載蒼龍眠
巨石橫斷無土壤粵生美箭奇而堅山葉紅綠如錯繡
無名野卉相新鮮鶴鴿徘徊不忍去巖巖時向虬枝穿
禹穿龍門未至此胡乃三級限鱗鱗呼噴泉石誠觀止
賞詠自我羌誰先匡廬香鑪無足喻山靈占此永不遷
設置飛觴擗管地混沌竅鑿應難全鱗韻下注云蒙古
相傳瀑水已下鱗類甚駭而已上絕無亦甚奇云
御製二集又有寄題敖漢瀑布水詩曰我愛敖漢瀑
布木今來路隔三百里題詩睦眼十一年飛注東流殊
未已注乾隆八年東巡塗經其下題長句大書磨厓今
年取道迤東相距三百餘里故賦此寄
題其後以紀歲月又有敖漢捕魚詩
愛六十里接柰曼界旗東十五里有哈達圖陀羅海
山與喀喇沁左翼之哈達圖陀羅海山別六十里有
沙爾呼達蘇爾南至哈祿噶嶺二百里接土默特右翼
海額勒蘇圖岡

山五十里又有天山蒙古名騰格里四十五里有盤道山蒙古

爾鄂博山五十里有鄂博圖山六十里有小籜羊山蒙古名巴噶伊

瑪圖百二十里有大籜羊山蒙古名伊克伊瑪圖百三

十里有庫克徹勒山二百里有齊老圖嶺旗南百三

十里有都木達納林泉源出天山東北流入齊老圖池

百二十里有伊瑪圖泉下流入沙池旗南有牛膝河

屯波羅台根河出焉東南流入土默特右翼境逕波羅

台溝共行八十餘里入大凌河有宏慈寺康熙四十六

年敖漢郡王札木蘇建寺額聖祖所賜也南距

朝陽縣四西至阿里木圖嶺百里接喀喇沁右翼界

紀要惠和故城在大甯衛東北百里遼置惠州於此亦

日惠和軍領惠和縣金廢州以縣屬大定府元因之明

廢遼志云惠州唐歸義州地也阿保機俘漢民於菟廐

山下築城居之謂之惠州熱河志惠和城在建昌縣北

境元一統志謂惠和縣西南至大甯路北至高州東南

至金源東至武平縣今縣北三百四十里放漢旗西境

地名博羅科有廢城城基周四里城北山上有浮圖高

五丈其西南接平泉州屬喀喇沁右翼旗界爲大甯路

地其西北接平泉州屬翁牛特旗界爲高州地當爲惠
和故城宋彭汝礪鄱陽集惠州詩城壘四五尺間閣千
百家朝塵疑作雨暮雪欲飛花舊寺僧何在空堂鬼自
邪三更愁不寐相笑是皇華蘇轍築城集惠州詩孤城
千室閉重闔蒼莽平川絕四鄰漢使塵來空極目沙場
雪重欲無春羞歸應有李都尉念舊可憐徐舍人曾逐
單于渭橋下歡聲齊拜屬車塵自注傳聞南朝叛者多
在其間元一統志東林寺在惠州東南隅閩祐寺興福
寺在惠州西南隅大清觀在惠州西北隅神山廟在惠
州西南十五里黃崖寺在惠州南一百里古城寺在惠
州東南百八十里龍門寺在惠州東南南百七十里十方
講院在惠和縣東北隅遼隆壽二年造觀音閣在惠和
縣市心崇德寺在惠和縣旗西七十里有僧機陀羅
海山山有石洞有昂嘴勒津山九十里有畢樓台山九
十餘里有庫特爾山紫楊山蒙古名庫楞布哈九十五
里有哈卜塔海山與土默特左翼之哈卜塔海山別百
里有巴顏達賴山百餘里有阿噶爾圖山百五里有濟
嚕克山百十里有棗山蒙古名齊巴噶百餘里有七嶺
蒙古名多倫達巴罕旗西五北至岳羅嶺入十里接
十里有輝圖札哈納里特泉

翼界 旗北四十五里有鄂達木波羅山亦名寬山六

十里有噶察喀喇山七十餘里有碩隆陀羅海山八十

里有札固圖察罕陀羅海山 旗北三十五里有阿

爾齊爾得勒蘇岡七十里有畢齊克圖烏蘭哈達 東

南至古爾巴勒什那噶阿達爾 翼界 旗東南五十里

有巴爾斯陀羅海山七十里 有察罕齊老圖山七十餘

里有納卜塔遜山九十五里有白鹿山蒙古名布祜圖

與喀喇沁左翼境之布祜圖山別承德府志案山當古

龍城之北境十六國春秋後燕錄慕容熙北登白鹿山

北燕錄太平初丁零氏楊道獵於白鹿山為契丹所獲

或即指此百里有哈喇納山百十里有富泉山蒙古名

巴顏布拉克 旗南二十五里有齊老圖池 西南至霍

下流入沙池五十里有烏里達札哈納倫泉

普塔圖哈喇 翼界 旗西南九十

噶山百三十里有道場山蒙古名庫里葉圖百三十餘

里有烏蘭布庫克山百五十里有庫爾奇勒山 旗西

勒泉二百里有尼楚彈泉 東北至得起圖 九十里接翁

牛特右翼界

旗東北五十里有達爾達額勒蘇風七十里有黎谷

蒙古名阿里瑪圖 旗東北九十里有橫黑水泉蒙古

名坤都倫喀喇烏 西北至紅廟 百五十里接翁牛特右

蘇南流入老河 翼界 旗西北六十里

有巴雅 札薩克駐固爾班岡勒噶山 漢名鼎足山 會典

海山 作溫克岡什勒格

所部與奈曼翁牛特巴林札喇特喀爾喀左翼阿喇科

爾沁克什克騰諸部統盟於昭烏達 盟地在翁牛特左

圍場在卓索圖盟之西昭烏達盟之南每歲秋獮 案木蘭

聖駕駐蹕避暑山莊兩盟各旗就近率其屬下官兵執

役凡用喀喇沁翁牛特佈圍兵一千人巴林克什克騰

佈圍兵一百人 敖漢佈圍兵五十人又喀喇沁進哨槍

手六人隨從槍手十人打鹿槍手四十人哈瑪爾三十

人巴林槍手二十六人喀喇沁土默特翁牛特杭愛車

二百兩又二部盟長例進公宴家宴數次 高宗

純皇帝始命合爲一次宴日設蒙古包六白駝十八鞍

馬十八驕馬一百六十二牛十八羊一百六十二席二

十七酒八十一瓶什榜九十人布庫二十人騎生駒二

十人跑馬二百五十生駒無定數由理藩院先期具奏

得

旨各行該盟長敬謹預備在月牙城進宴又恭

遇

巡幸盛京吉林蹕路經臨蒙古部落卓

索圖昭烏達兩盟合併進家宴一次哲里木一盟之公

主格格王公額駙等

合併進家宴一次貢道由喜峯口

柰曼部在喜峯口東北七百里至京師千一百十里東

西距九十五里南北距二百二十里東至喀爾喀左翼

界西至敖漢界南至土默特界北至翁牛特界古鮮卑

地隋爲契丹地唐屬營州都督府後入奚遼金爲興中

府北境明入於蒙古元太祖嘗偕其弟哈布圖哈薩爾

平柰曼部柰曼元史作乃蠻事詳太祖十六世孫圖魯

博羅特三傳至額森偉徵諾顏卽以爲所部號案以柰曼爲所

部號其事與郭爾羅斯同部古人長狄僑如待事兩名
其子之義太祖之生也神元皇帝因征塔塔兒部虜其
將鐵木真厄格故名太祖曰鐵木真尤元事之切一旗
證魏氏源乃以漠南漠北遠不相及爲疑非也

札薩克多羅達爾漢郡王游牧圖魯博羅特子袞楚克

一統志作袞號巴圖魯台吉服屬於察哈爾以林丹汗

不逆天聰元年偕從子鄂齊爾等來歸且獻明誘降書

詔還舊牧

賜號和碩齊二年以從征察

哈爾俘斬多

賜號達爾漢崇德元年敘前後功

封札薩克多羅郡王世襲罔替

袞楚克第三子札木三順治十七年襲爵康熙

十四年察哈爾布爾尼叛札木三應之徙察罕郭勒與賊壘爲聲援且遣黨扇諸札薩克及大軍陣斬布爾尼祭哈爾平札木三窮蹙乞罪特旨貸死仍留妻子及牲畜飭自給原爵以袞楚克孫鄂齊爾襲鄂齊爾

者和碩額駙巴達禮之長子也札木三誘之叛不從攜

孥及九佐領兵避徙喀喇沁牧

故有是命今奈曼札薩克王皆鄂爾齊裔也初奈曼與

敖漢逢國家典禮及征伐事先後偕來位秩如一因

札木三懷或遂不齒於敖漢迨鄂齊爾重膺

封不職惟謹而荷恩亦如故焉王大臣初議子

孫襲爵五次乾隆四十九年以係袞楚克國初來歸封

授之爵

皇上以第四女壽安固倫公主指配奈曼王阿宛都

第六世孫也佐領五十額存

收地

天聰八年定牧地

額萬八千三百七十石一斗

疆界奈曼與兩紅

旗蒙古以巴克阿爾和碩巴噶什魯蘇特為界

案奈曼牧地在今承德府朝陽縣之東北境

當潢河

老哈河合流之南岸

潢河自敖漢境合老哈河東北流

入境又東南流入喀爾喀左翼界

東至奎蘇塔拉四十里接科爾沁左翼前旗界南至大

渡口鄂博百二十里接土默特右翼界元一統志福嚴

寺仁王閣俱在武平縣市中心寶真觀在武平

縣東南承德府志按元武平縣爲今三座塔東北境高

在奈曼境內旗南五十五里有塔本陀羅海山與土

默特右翼及喀喇沁左翼之塔本陀羅海山俱別百二

十里有瑪尼喀喇山旗南五十五里有圓爾根河亦

名土河以其南建昌縣亦有土河或稱此爲北土河源

出塔本陀羅海山南流入土默特右翼北境逕綽諾圖

山又南入西至哈拉鄂羅愛西五十五里接敖漢界旗

大凌河蘇爾北至巴延郭特什喇木蘭渡口百五里接翁牛特右

蘇爾北至巴延郭特什喇木蘭渡口百五里接翁牛特右

界旗北百里東南至察罕河百二百里接喀爾喀左

有哈納察罕圖東南至察罕河百二百里接喀爾喀左

有固爾班喇呼山八十里有大黑山蒙古名巴延喀喇

百四十里有博羅輝博羅溫都爾山與土默特右翼之

波羅輝波羅溫都爾山別旗東南百里有烏蘭哈達

與土默特右翼之烏蘭哈達別旗東南六十里有察

罕西南至郭勒圖河百二十里接敖漢界旗西南入

泉西南至郭勒圖河百二十里接敖漢界旗西南入

敖漢境及喀喇沁左翼之布祜圖山別旗西六十里

有固爾班和爾圖泉三泉飲涵合而東南流會圖爾根

河東北至什喇木蘭之努克圖鄂羅木

百里接科爾沁左翼界

北八十五里有哈納岡

西北至坤都倫喀喇烏蘇泉

百二十里接敖漢界

薩克駐彰武臺

會典作庫類

隸昭烏達盟

案敖漢奈曼巴林一帶瀕河沃衍遼

史地理志曰上京地沃宜耕種木草

便畜牧是也康熙三十七年冬遣官往教之耕諭曰朕巡所經見

敖漢及奈曼諸部田土甚嘉百穀可種如種穀多獲則興安嶺左右無地可耕之人就近買糶不須入邊市米矣其向因種穀之地不可牧馬未嘗墾耕者今酌留州木之處爲牧地白兩不相妨且敖漢奈曼蒙古以捕魚爲業者畧教之以引水灌田彼亦易從凡有利益於蒙古者與王台吉相商而行貢道由喜峯口

巴林部在古北口東北七百八十里至京師九百六十

里東西距二百五十一里南北距二百三十三里東至

阿魯科爾沁界西至克什克騰界南至翁牛特界北至

烏珠穆沁界遼上京臨潢府地

遼史地理志上京臨潢府本漢遼東郡西安平

之地太祖取天梯蒙國別魯三山之勢於鞏甸射金殿

箭以識之謂之龍肩宮神冊二年城之名曰皇都天顯

十三年更名上京府曰臨潢凍流河自西北南流繞京

三面東入於曲江其北東流爲按出河契丹國志薛跌

記富鄭公行錄自中京正北八十里至臨都館又四十

里至官窰館又七十里至松山館又七十里至崇信館

又九十里至廣箭館又五十里至姚家寨館又五十里

至咸箭館又三十里度潢水石橋旁有饒州蓋唐朝嘗
於契丹置饒樂州也側船今渤海人居之又五十里至
保和館度黑河七十里至宣化館又五十里至長泰館
西二十里有佛寺民社云卽祖州亦有祖山山中有阿
保棧廟又四十里至上京臨潢府自過崇信館卽契丹
舊境蓋其南皆奚地也又西門門曰金德內有臨潢館
子城東門曰順陽入門北行至景福門又至承天門內
有昭德宣政二殿皆東向其遺廡亦皆東向臨潢西北
二百餘里號涼淀在漫頭山南避暑之處多豐艸掘丈

餘卽堅冰云熱河志柔潢水石橋在今巴林旗界內距翁牛特北境不遠今尚存承德府志土人呼爲巴林橋在赤峯縣北潢江兩岸一統志案遼史臨潢府其側臨潢河又曰臨潢縣天贊初南攻燕釧以俘人戶散居潢水之北縣臨潢水故以名也似臨潢必在西喇木倫之濱而又言冰流河自西北南流繞京三面東入於曲江其北東流爲按出河則臨潢又去西喇木倫遠矣金東臨潢府臨潢縣倚有金粟河未知金時金粟河卽冰流河不但證以薛映所記道里自中京北至上京凡三百七十里而冰流河又二百三十里而至臨潢中間所謂野松十而度潢水又二百三十里而至於臨潢中間所謂渡黑水河卽今喀喇木倫經巴林之南者也今巴林東北一百四十里常烏爾圖綽農河會和戈圖綽農河之處有波羅城趾周二十里內有三塔久毀疑卽古之臨潢但史云冰流河繞京三面又疑古城當在和戈圖綽農之東岸巴林與阿魯科爾沁接界處耳方輿紀要臨潢城東南有金新羅寨正隆六年契丹西北路將撒八反爲其下所殺推移刺窩幹爲主據衆東逸至臨潢府東南新羅寨攻臨潢圍其城卽此又撒里乃地在臨潢西北臨潢有二十四堡其十九堡俱在撒里乃之西蓋

戍守要

金大定後併屬北京路

得大甯府之三韓金州之安豐臨潢府之臨潢

地也

諸縣元屬全甯路爲魯王分地

元史地理志全甯路領縣一全甯熱河志案志

於全甯路下未詳建置沿革今攷全甯路爲魯王分地

今赤峯縣北烏丹城中有元魯國大長公主碑是元時

全甯縣當在今赤峯縣北所轄巴林二旗境內也元史

特薛禪傳載特薛禪子曰按陳曰火忽按陳初封河西

王後追封濟甯王按陳孫曰帖本兒曰蠻子台俱封濟

甯王帖木兒子弼阿不剌尙大長公主加封魯王傳云

太補諭火忽曰哈老溫迤東塗河潢河之閒火兒赤納

慶州之地與亦乞列斯爲鄰汝則居之又諭按陳之子

唆哈火都曰以汝父子能輸忠於國可木兒溫都兒迤

東絳馬河至於赤山塗河迤南與國民爲鄰汝則居之

攷慶州故城木在赤峯縣北境巴林旗之西北其所謂

塗河橫河之閒卽今赤峯縣屬翁牛特左翼旗及建昌

縣北境敖漢旗朝陽縣西北境奈曼旗之北境也其所

謂絳馬河鑿結榭紉驛三縣至於赤山塗河以南與國

民雜處爲鄰卽今赤峯縣屬翁牛特右翼旗之南

時兼有魯王分地傳又云元貞元年濟甯王蠻子合尙
囊加真公主請於帝以應昌路東七百里駐冬之地划
建城邑大德元年名其地爲全甯路是全甯路本在魯
王分地之中其故城當在今赤峯縣北巴林旗界今丹
林左右二旗應屬元金甯路地明初爲全甯衛地有潢河有黑龍江案
所云黑龍江當卽後屬兀良哈北境元太祖十六世孫
巴林旗境之黑河

阿爾楚博羅特生和爾朔齊哈薩爾子二次蘇巴海稱

達爾漢諾顏號所部曰巴林元史伯顏蒙古八鄰部人今譯改作巴林非此巴林

也康熙五十一年理藩院議准巴林翁牛特克什克騰
交界地方樹木行文三旗各令公同驗看分爲三分明
定界限繕造印簿送尾越界砍伐者治罪二旗右翼旗札薩克親王品級多

羅郡王左翼旗札薩克固山貝子同游牧初皆服屬於

喀爾喀天聰二年察哈爾林丹汗掠其部諸台吉皆奔

依科爾沁蘇巴海孫色特爾率子色布騰兒子滿珠習
禮等自科爾沁來歸屢從大軍征明順治五年編所部
佐領敘前後功封色布騰札薩克輔國公掌右翼滿珠
習禮札薩克固山貝子掌左翼尋色布騰尙固倫淑慧

公主晉多羅郡王

固倫淑慧公主長姑也康熙十二年

聖祖仁皇帝

上召諭

侍衛武格曰

太后甚念淑慧公主可將朕

所乘轎馳駢往迎先是

公主至喜甚進膳如常三十九年

公主薨

公主係朕姑

太皇太后在時特蒙眷愛曾以託

朕朕亦面允公主待姑年邁迺見朕親臨視疾含笑而

逝公主生逢泰運居蒙古五十餘年躬享高年子孫繁

盛諸福備矣朕悼歎之懷因少解焉韓莖有懷堂制艸

淑慧長公主祭文朕惟詩美玉姬禮隆內女由來下降

誼切同源而令德考終加恩無替粵稽往牒觀此爲難

惟我公主出自我

皇祖金枝毓秀玉質含章向

日

慈闈尤深憐愛

一切護視以屬朕躬朕祇承

訓言弗敢失墜更締婚媾以垂永好嘗語姪勿

憂在外服終當迎養以樂暮年畢姑一生皆朕之事日

月逾邁出降五十餘載禮儀不愆用享多福子孫昌衍

朕甚嘉之自昨秋行邊相見顧瞻顏色稍異平時知惟

攝衛之失宜恐爲風霜所患苦亟勸來歸勉進醫藥朕

嘗臨視至於再三而疾竟弗瘳以及采訣乃曾無戚容

歡然順去於戲陵雲一笑知無身後之餘憂撫棺長辭

不負生前之夙諾薨喪皆出於內府推恩不忘於後人

祀事肅將凡筵展告明靈不昧來格來諒案公子生子

三鄂齊爾格呼爾圖納木札文云更締婚媾以垂永好

者康熙三十四年以鄂齊爾次子烏爾袞尙固倫榮慧

公主也又一道維公主誕膺淑質託體天家仰承我

聖祖母之劬勞益夙嫻於內則出降藩服歷有歲

年盡儀聿修織毫無間齒德俱茂迥異諸姑朕敬禮有

加祇承先志知向者

恩勤之志預有

先覺之明今茲送終一無所苦朕深驚異用慰永

傷於戲生兼五福去無一塵達者所難在我閭閻足流

輝於彤管以紀盛於內宗行殯有時加茲諭祭星沈舊

邸還依往日宮中雲去流沙長斷來時山色薄陳祖奠
用展哀衷又一道維公主屬在慈視爲朕姑慈降藩服
爲王母女宗無忝內則悉嫻多福崇宣怡然但化頃者
兩頒諭祭達以誅章敘慈闈憐愛之深情暨朕

躬祇承之至意榮哀之禮事有加踐夙昔之盟言誨
明康之默鑒茲者輶車將發薄因是闕緇容衛之徂征
經山川之縣邈凡昨歲迎來之路卽千秋長去之塗瞻
望彌勤愴懷曷極特遣皇子往護喪行助引緇之勞視
定步之事一切庀具如朕親臨俟宅兆之孔安度殯
之無隱嗚呼自初薨以及將窆情莫罄於哀誠從舊邸
以返新阡禮必期於敬謹昭朕始終之異數增姑魂魄之餘歡申薦几筵尙其敬格均世襲罔替

乾隆十九年色布騰曾孫璘沁

賜親王品級右翼

佐領二十六額存叢萬三百八十五石入斗左翼佐領

十六額存穀二千八百十五石七斗道光二十二年

理藩院則例載巴林王旗下公主子孫台吉共一百七

十餘人定於六班每班二十九人一年一班輪流來京

案巴林額駙自色布騰璘沁外璘牧地天聰八年定諸

沁長子乾隆初尙和碩和婉公主牧地巴林部

與鑲黃旗蒙古以扈拉琥瑚呼布里當潢河北岸東至

都克里葉哈達瑚濟爾阿達克為界

鄂拜山百六十里接阿魯科爾沁界旗東七十里有

名滿札爾遼史地理志慶州有太南至巴爾達木哈喇

保山九十五里有阿珀濟哈峯

山六十里接翁牛特左翼界旗南三十里有勃突山

常有武略力敵百人眾推為王生於勃突山因以名漢

葬山下在慶州二百里一統志案史關其方位似當云

在慶州東南西至碧柳圖山九十一里接北至哈達圖

二百里也

吉魯克山百七十里接烏珠穆沁界旗北五十里有方

十里有慈山蒙古名松吉納百五十里有黑山蒙古名

喀喇台旗北有遼廢祖州遼史地理志祖州天成軍

節度本遼右八部世沒里地太祖秋獵多於此始置西

樓後因建城墟祖州以高會祖考所生之地故名城高

二丈幅員九里有祖山山有太祖廟御靴尚存太祖陵

鑿山為殿日明殿門日黑龍東偏有聖殿立碑述太

祖滿獵之事殿東有立碑以紀太祖勦業之功在州西五里一統志案自明以來皆於廣甯中安堡望祭或因指爲遼陵所在非也方輿紀要眞珠砦在祖州東南東胡崎陷蕃記自契丹東去四十里至眞珠砦

至瑪達虎沙地

百六十五里接阿嚕科爾沁界旗東南五十里有特選車戶山百五十里有

伊克哈爾占山百六十里有蛟山蒙古名漠惠圖百六十里有扈拉號山

西南至邁拉索圖

哈達圖哈起克

八十一里接東北至巴顏烏爾嶺志遼

州之赤山二百五里接烏珠穆沁界

旗東北八十五

里有僧機圖山百二十里有慶雲山蒙古名吉爾巴案此與遼聖宗所葬之慶雲山別百五十里有錫伯圖山

旗東北九十里有布雅爾河源出僧機圖山東南流會烏爾圖綽農河百九十里有烏爾圖綽農河源出巴

顏烏爾圖綽農河東南流會布雅爾河又東流入阿嚕科爾沁界注於達

布蘇圖池西北至阿嚕亥喇漢山

百四十二里接克什

三十里有遼慶州故城遼史地理志慶州元甯軍木太利山黑河之地巖谷險峻穆宗建城號黑河州每歲來

幸後以地苦寒統和八年州廢聖宗秋畋愛其奇秀建號慶州有黑山赤山太保山老翁嶺饒頭山與國湖轄失漾黑河統元德孝安富義三縣金史地理志慶州境內有遼祖州懷州城中有遼行宮北至界二十里南至盧川二百二十西至桓州九百東至臨潢一百六十縣一朔平一統志按此城在喀喇木倫河旁蒙古名察罕城周五里餘喀喇木倫即黑河黑山在其東北三十里訛又遼聖宗陵遼史地理志慶州慶雲山本黑嶺也聖宗駐蹕愛羨曰吾萬歲後當葬此興宗遺命建永慶陵在州西二十里旗西北七十里有伊瑪圖峯百五十里有浩

珀都山

右翼札薩克駐托益山

在旗北

左翼札薩克

駐阿察圖陀羅海

會典作二札薩克同居濟爾哈朗圖河之北

隸鄂烏達盟

貢道山獨石口

札魯特部在喜峯口東北千一百里至京師千五百一

十里東西距百二十五里南北距四百六十里東至科

爾沁界西至阿喇科爾沁界南至喀爾喀左翼界北至

烏珠穆沁界

一統志左翼東至科爾沁界三十里西至右翼界二十五里南至科爾沁界一百三

十里北至烏珠穆沁界三百三十里東南至潢河一百三十里西南至車爾百湖一百十里東北至巴噶查克
朶爾山三百四十里西北至布拉克圖和碩山三百四十里東自脫脫山與左翼分界西至阿喇科爾沁界七
十里南至喀爾喀左翼界二百二十五里北至烏珠穆
沁左翼界二百三十五里西南至拜圖岡二百二十里
西北至馬盃山二百四十里漢遼東郡北境唐屬營州都督府後入

奚遼爲上京道地金屬北京路元屬上都路明入於蒙古元太祖十七世孫和爾朔齊哈薩爾子二長烏巴什自稱偉徵諾顏號所部曰札嚕特二旗左翼旗札薩克多羅貝勒右翼旗札薩克多羅達爾漢貝勒同游牧烏

巴什子二長巴顏達爾伊勒登次都喇勒諾顏巴顏達爾伊勒登子忠圖孫內齊相繼稱汗都喇勒諾顏子色

本初皆服屬於喀爾喀後爲林丹汗所掠往依科爾沁

天聰二年內齊色本先後率屬來歸初內齊汗於太祖高皇帝甲

寅年博爾濟額爾其妹妻我貝勒莽古爾泰貝勒忠嫩

以其女妻我貝勒代善額爾濟格以其女妻我台吉德

類格結爲姻好天命四年色本叛盟引兵助明攻我

軍陳禽之明年釋令歸國十一年復命貝勒代善等聲

罪致討盡俘其人民牲畜而還案忠嫩者巴顏達爾伊

勒登之第三子額爾濟格者忠嫩之從弟也國史達

音布傳先是蒙古札噶特貝勒昂安執我使臣送葉赫

爲所害又數遣兵要結我使奪牲畜天命八年

太祖命貝勒阿巴泰等統兵三千往征之時達音布任

前鋒統領率精銳五十人乘夜渡遼河疾趨先至厄爾

格勒知爲昂安所屬地遂馳百餘里與參領雅希爾侍

衛博爾音合兵進攻擄其巢昂安以二十餘人挽牛車

載妻子遁達音布與雅希禪等引三十餘騎疾馳躡昂安及之騎士皆散列昂安直趨達音布達音布迎擊昂安敗走達音布騎弓注矢將射之昂安從者猝以小槍迎刺達音布中口墮馬創甚而歿雅希禪等縱騎擊之斬昂安盡殲其眾案昂安爲順治五年編所部佐領追巴顏達爾伊勒登第五子

封內齊多羅貝勒色本多羅達爾漢貝勒以內齊子尙

嘉布掌左翼色木子桑噶爾掌右翼各授札薩克貝勒

世襲罔替左翼佐領十六額存數萬一百五十三石右翼佐領十六額存數九千三百三十五石六

斗牧地天聰八年定諸藩牧地札魯特與正藍旗以諾綽噶爾多布圖烏魯木爲界當哈古

勒河阿魯坤都倫河之源合河又名沙河蒙古名哈古勒河源出左翼北二百七十

里東流入科爾沁界阿魯坤都倫河源出左翼北二百

七十里東流入科爾沁界水道提綱合河卽藁兒河亦

曰沙河土名和爾河有兩源北源曰拜兒河出札魯特

左翼之北二百九十里大山東旒有查喀朱魯母河北

自烏喀那山東南來會又東南流入科爾沁界而南源
自西來會南源又有二曰阿嚕坤都倫河出模蘇說倫
哈達之北合二澗北流折而東南流入界經葛勒圖溫
都山東流而別源曰額伯爾坤都倫河來會額伯爾坤
都倫河出札嚕特北二百里之愁思嶺東流入科爾沁
界經索諾山東流會阿嚕坤都倫河又東南經奎屯山
之北又東南曲曲三百里經波羅達布蘇圖河於是流
額爾吉驛北又東稍北豬爲鄂模達布蘇圖河於東
入於沙綽諾河出阿嚕科爾沁西山曲折南流折而東
網大布蘇圖有兩源北源曰郭和蘇台河即非河也自
阿嚕科爾沁西北拉馬伊馬哈拉嶺東南流與北流之
哈爾喜河會又合數小水東南流三百里許而南源來
會南源曰狼河土名烏爾圖紉農源出巴林部之巴顏
五藍峯東南流合布雅乃河及枯圖爾河又東流入東
阿嚕科爾沁界經刻勒峯與北源會豬爲大布蘇圖東
至伊克索納爾山三十里接科爾沁左翼界旗東南
至齊爾伯古莽鳴山三十里有達琥林錫拉和碩岡南
接奈曼界右翼南十八里有米喇

山 左翼南百三十里有烏蘭布爾噶蘇台岡 右翼
南五十里有黑水灤蒙古名喀喇烏蘇東南流會天河
百七十里有大魚灤蒙古名伊克札哈 西至伊克托灰
蘇台其北十里又有巴漢札哈蘇台池
山 漢名大釜山 七十里接阿魯科爾沁界遼史上海有
大釜山 右翼西三十五里有古爾班刻勒峯七十
里有小白雲山蒙古名巴哈察罕陀羅海 北至庫里
左翼西二十五里有獨石岡阿巴達爾台岡
葉圖池 二百三十五里接烏珠穆沁左翼界 左翼北
上京有野離山百八十里有霞列山蒙古名吉爾巴爾
遼史上海有列山三百三十里有巴噶查克朵爾山
右翼北百里有寬山蒙古名敖塔百二十里有花山有
僧機圖山亦名努黑圖山山北有一洞通明百四十里
有蛇山蒙古名漠灰碩隆百九十里有小青羊山蒙古
名巴哈特黑二百里有吉爾陀羅海山三百三十五里
有水泉山蒙古名布拉克圖和碩 左翼北百四十里
有溫都爾峯二百里有愁思嶺蒙古名呼瑪克 右
翼北百五十里有大赤峯蒙古名伊克烏蘭其南二十
五里有烏蘭峯百八十里有蝦蟆峯 左翼北四十里

有棟果爾額勒蘇岡八十里
達蘇遠史上海有鑿山左翼北
百九十里有額伯爾
坤都倫河源出愁思嶺東流
入科爾沁界百入十里有
天河蒙古名都木達都騰格
里河源出吉爾巴爾山南
流五十餘里會陰涼河二百
九十里有沙河蒙古名和
爾東流入科爾沁界右翼北
百五十里有阿里雅河
源出大赤峯西流經花山入
阿魯科爾沁界東南至
左翼北九十里有釋迦牟尼
廟康熙十二年建
潢河百三十里接科爾沁左
翼界左翼東南六十里
有平地松林蒙古名阿它尼
喀喇莫多密林叢翳
二十餘里百三十里有西南
至博爾古特鄂羅海接阿
杏塌蒙古名費勒蘇台
爾沁界左翼西南四十里有
東北至察克達山三百
喇海岡百十里有車爾百湖
岡東北九十里有屈劣西北
里接科爾沁左翼界左翼東
北九十里有屈列山西北
山蒙古名布屯華陀羅海遼
史上海有屈列山西北
至察罕嶽接烏珠穆沁左翼
界右翼西北十里有崇
吉岱山七十里有岳重圖山
百九十里有青羊山蒙古
名伊克特黑山二百二十里
有馬蓋山蒙古名阿爾坦

額默爾達史。上京臨潢府有馬盆山。左翼西北百六十里有陰涼河。蒙古名奎屯源。出賀爾戈圖烏蘭山東南流。入天河。右翼西北五十里有巴倫騰格里河。百九十里。有它魯河源。出大青羊山。南流會阿里雅河。左翼札薩克駐齊齊靈花陀羅海山北。在喜峯口東北。一千一百里會典作居奇勒巴爾。右翼札薩克駐圖爾山南。在喜峯口東北。一千二百里。一統志作兔爾山。遼東上京有兔兒山。會典作居布顏河之東。隸昭烏達盟。貢道由喜峯口。

阿魯科爾沁部。在古北口東北千一百里至京師。千三百四十里。東西距百三十里。南北距四百二十里。東至札魯特界。西至巴林界。南至喀爾喀。左翼界。北至烏珠穆沁界。遼臨潢府地。金大定府北境。元爲遼王分地。明

初於潢水北兀良哈地置衛後入於蒙古元太祖弟哈

布圖哈薩爾十三傳至圖美尼雅哈齊長子奎蒙克塔

斯哈喇游牧嫩江號嫩科爾沁次子巴袞諾顏游牧呼

倫貝爾

注詳車臣汗部中右旗下

巴袞諾顏長子昆都倫岱青號所

部曰阿嚕科爾沁

平定準噶爾方畧前編康熙五十六年五月

諭曰蒙古等感戴本

朝之恩忘身以奉事者甚眾當索約爾濟河地方與噶爾丹交戰時阿嚕科爾沁之棟牛台吉自戰場出謂眾曰我等受皇恩甚深若稍退縮有何面目以見聖顏乎

率伊屬兵三百名復進皆歿此內祿里德族中數人亦

戰歿朕甚閱之

一旗札薩克多羅貝勒游牧昆都倫岱青子達

賚嗣爲部長初服屬於察哈爾避林丹汗虐天聰四年

暨子穆彰奉屬來歸

所部初設二旗達賚穆彰各領一崇德元年以達賚衰年嗜酒令穆

彰專理
旗務

崇德七年穆彰尙郡主授和碩額駙順治元年

敘前後從征功封穆彰札薩克固山貝子四年卒五年

追封多羅貝勒世襲罔替

穆彰子珠勒札幹尙郡主授和碩額駙順治八年晉多羅

郡王長子色稜亦尙郡主授和碩額駙襲郡王爵第三

子楚依降襲貝勒康熙二十九年隨大軍偵擊噶爾丹

至索約爾濟河深入搏戰中創陷賊不屈歸首多羅郡

玉子穆爾仍襲多羅貝勒佐領五十額存穀萬七千

五百四十牧地天聰八年定諸藩牧地阿嚕科爾沁與

二石一斗牧地兩白旗蒙古以塔拉布拉克遜烏爲界

哈奇爾

哈奇爾河做木倫河於是合流爲達布蘇圖河哈奇爾

部西北山東南流做木倫河出其西北山二水合東南

流又東南裨諾河出所部西山折而東來合爲達布蘇

圖河又東至札嚕特境豬於沙一統志哈喜爾河在旗

北二百里源出薩碧爾漠山南流經庫格圖山折而東

流入札嚕特界烏爾圖綽農河在旗西南百三十里自

巴林流入境經刻勒峯東南流會哈喜爾河又西北九

十里有和戈圖綽農河源出錫喇溫都爾東南至巴彥塔

拉三十里接札魯特界旗南至什喇木蘭二百里接

東三十里有伊克托灰山南至什喇木蘭二百里有連

翼及奈曼界旗南四十里有庫格圖山五十里有連

山蒙古名賀爾博陀羅海百二十里有阿爾達額勒蘇

岡西至蘇布山漢名珍珠山百里有刻呼納山百二十里有樂

游山蒙古名北至烏蘭嶺二百六十里接烏珠穆沁右

得納格爾罕駕板車布登阿南達不從逆攜屬由瑯圖塔什海往

阿嚕科爾沁界內烏蘭庫博爾游牧卽此嶺也旗北

十五里有都爾山七十里有小黑山蒙古名巴哈喀喇

蘇克素爾山旗北百八十里有柳泉蒙古名布爾哈

蘇合源出紗目山西北流入烏珠穆沁界入俄札哈河

二百里有蘇吉泉亦源出紗目東南至塔畢蘇墨二百

山東南流會韭菜河入哈奇爾河東南至塔畢蘇墨二百

里接札魯特界旗東南四十五里西南至達木琥噶

有義博羅山二百二十里有拜圖岡

察岡

二百里接巴林右翼界 旗西南九十里 有稟山 蒙古名齊巴哈圖 百里有巴哈阿珀札哈山 伊克

阿坦札哈山 百二十里有阿特和碩山 百三十里有刻 勒峯 百四十里有白雲山 蒙古名察罕陀羅海 百七十

里有達 木城岡 東北至庫里葉諾爾 二百六十里接札噶特界 旗東北三十里有巴顏

喀喇山 七十里 有烏孫噶察山 色爾騰哈達 九十里 有

狼山 蒙古名綽農圖 喀喇山 百八十里 有紗冒山 蒙古名

拉邁瑪拉哈 有羊山 蒙古名特格烏蘭 二百三十里有

獺山 蒙古名獺爾巴哈圖 二百六十五里有馬蓋山 蒙

古名阿爾坦額墨爾 旗東北八十里 有阿里雅 西北

河 自札噶特右翼流入 境西南流會哈奇爾河 西北

至巴音和碩 二百七十里 接巴林右翼及烏珠穆沁右

庫珀喀喇 九十里 有黃山 蒙古名錫喇溫都爾 有布爾

格蘇台山 百四十里有烏遼山 卽烏丸山 百五十里有

白石山 蒙古名察罕齊老圖 百六十里有邁爾圖山 二

百三十里有庫爾默特山 二百四十里有巴彥葛祿山

二百七十里 有殷札哈烏蘭峯 旗西北百五十里有 枯爾圖河源 出白石山西 流入巴林界 會烏爾圖綽農

河二百三十里有殷札哈河源出庫爾默特山東北流入烏珠穆沁界會烏爾琥河又有邁爾圖泉源出邁爾圖山西南流入巴林

界會烏爾圖綽農河札薩克駐璉圖爾山東托果木台隸昭烏達盟貢道由喜峯口所部與四子部落烏喇特

茂明安翁牛特阿巴噶阿巴哈納爾及喀爾喀內外札

薩克統號阿嚕蒙古

蒙古謂山陰曰阿嚕蓋是數部先昔駐牧杭愛山之北也

翁牛特部在古北口東北五百二十里至京師七百二

十里東西距三百里南北距百六十里東至阿嚕科爾

沁界西至承德府熱河禁地界南至喀喇沁及敖漢界

北至巴林及克什克騰界唐饒樂都督府地

注詳右翼西北英金

河遼置饒州匡義軍節度屬上京道

統長樂臨河安民三縣

金爲

北京路地。元爲魯王分地。

熱河志烏丹城在赤峯縣境。城基高五尺，周六里，所存東

西二門亦當爲遼金州縣遺址。城中有廢塔，又有斷碑。一字已殘，闕惟魯國大長公主字可旌，城南七里地名

烏蘭坂有魯國公主陵，臣准台墓。蓋此地。在元時爲魯藩分地也。明初以兀良哈部長

置衛爲外藩，後入於蒙古。元太祖同母第三弟諾楚因

稱烏真諾顏。

案諾楚因，元祕史作帖木格，元史表作鐵木哥，烏真太祖紀作幹赤斤，太宗紀作幹

陳又作幹真，劉國傑傳作幹臣，耶律留哥傳作按陳，元明善洪陽忠武王碑作幹赤，太祖時對左手大玉，所謂諾顏也。今譯改作鄂齊錦，又作旺沁，又作特穆爾鄂綽克。其裔蒙克察罕諾顏有子

二長巴顏岱，洪果爾諾顏，號所部曰翁牛特。次巴泰車

臣諾顏，別號喀喇齊哩克部，皆稱阿魯蒙古。後喀喇齊

哩克部亦併入於翁牛特，不復冠阿魯舊稱。

高宗純皇帝

經翁牛特部落詩分界司林圍行圍便一過同民誠有
媿爲穿底教馮部落輸誠久屏藩效力多相於禁剪伐
更且謹誰何除道心猶悚近光肩欲摩善爲安畜牧永
久沐恩波首句注木蘭據各部落之中凡近游牧之地
各出人巡察人圍場伐木及盜獸者適以行圍欲至興
安大嶺乃翁牛特所司之地云第四句注塞外之地豈
可計里然行圍習武適同靈囿上林而已獨二旗左翼
是伐山盜獸有禁然亦未如殺人之罪耳

旗札薩克多羅杜梭郡王游牧巴顏岱洪果爾諾顏再
傳至圖蘭號杜梭汗長子遜杜梭初爲阿嚕部濟農服

屬於察哈爾一統志云服屬於阿嚕科爾沁誤以避林丹汗虐天聰六

年率屬來歸崇德元年編所部佐領封札薩克多羅杜

梭郡王掌左翼世襲罔替佐領二十額存穀萬三百八十五石八斗牧地天

八年定諸藩牧地翁牛特部與巴介黃河老哈河之間
林以扈拉瑚琥呼布里都爲界

黃河在游牧北四十里自克什克騰流入境詳見旗北
錫喇河下老哈河在游牧東南百里自敖漢流入境東
北會潢河一統志木葉山在潢河與土河合處遼史地
理志永州太祖於此置南樓東潢河南土河二水合流
故號永州謂之冬捺鉢有木葉山上建契丹始祖廟奇
首可汗出南廟可敦在北廟每行軍及春秋時祭必用
白馬青牛示不忘本案老河即古土河合潢河處在今
喀爾喀左翼西北百三十里與翁牛特左翼接界木葉
山當在東至什喇木蘭百五十里接阿魯科彌心界
其旁在東至什喇木蘭百五十里接阿魯科彌心界
巴噶哈南至塔那圖有五十里接敖漢界旗南二十里
勒占山南至塔那圖有大松山蒙古名伊克納喇蘇台
富弼行程錄自中京正北一百九十里至松山館又劉
敞有寄歐陽修宿松山寺詩熟河志富弼歐陽修之使遼
皆由中京而北至上京中京今平泉州東北之大甯故
城土京今赤峯縣北境巴林旗界是松山當在中京之
北此伊克納喇蘇台山方位近之若喀喇沁右翼西境
亦有松山其地在中京之西非至上京之路也金趙秉
文松山道中詩松漠三百里飄然一日中山長雲不
地迥雪無窮遠嶺貪殘照深林貯晚風煙邨一回首獨

鶴下晴空五十里有札

固圖察罕陀羅海山西至洪果爾鄂博百三十里接

旗西三十里有勃突山蒙古名布屯四十里有吐類

山蒙古名巴爾哈岱百三十里有山丹山蒙古名薩喇

納台喀喇旗西北至錫喇河即黃河也四十里接巴

五里有布魯都池北至錫喇河林界黃河亦名湟水蒙

古名錫喇木倫自克什克騰界發源東流至巴林界又

東入翁牛特左翼北境又東南逕喀爾喀左翼界與老

河會爲大遼水之西一源下流至開原邊外會東來之

赫爾蘇河入遼爲遼河唐書地理志營州北四百里至

潢水契丹傳中部酋比能爲幽州刺史王雄所殺眾遂

微逃潢水之南黃龍之北遼史地理志饒州有潢河會

公亮武經總要中京北距潢水惠州北至潢水石橋興

中府至潢水四百里富弼行程錄自中京北四百八十

里渡潢水石橋方輿紀要黃河源出平地松林經臨潢

府南廢永州東木葉山合土河者是也熱河志案舊唐

書契丹傳及安祿山傳於潢水皆作黃新唐書始作潢

字遼金史因之一統志原本謂別於西黃河故曰潢遼

上京臨潢府以此得名證以武經總要富弼行程錄方

輿紀要諸書均相符合又一統志原本潢河又名溢真

水今攷水經注潘真木出西北塞歷重山東南入白狼水在白狼水流經龍城之後今老河既不得爲白狼水則以合老河之潢水爲濫真水亦別無據又謂古名饒樂水別名託紇臣水亦曰吐護真河攷饒樂水卽今英金河託紇臣水吐護真河卽今老河皆與潢河無涉至方輿紀要於饒樂水下注曰其下流東北入於潢河是明知饒樂水之非卽潢河矣下文復注云亦謂之潢河亦曰北潢河夷名喀喇母林或謂之烏龍江以此諸水皆爲饒樂之別名則殊誤殊甚蓋潢河卽潢河唐書原兩字通用至今稱潢河爲錫喇木倫蒙古謂潢爲錫喇是仍以潢河爲潢河也至於北潢河則因舊唐書吐護真河北卽潢河側作卽北潢河之誤若喀喇木倫別爲一水在今潢河之北巴林界東南流入潢河蒙古謂黑爲喀喇遼史地理志上京臨潢府有潢河復有黑河周廣順中胡麟陷北記謂渡涅水又明日渡黑水宋薛映記及富弼行程錄並謂渡潢水石橋五十里至保和館渡黑水河沈括筆談謂黑山在大漠之北有黑水出其下者是也亦謂之烏龍江明人又曰黑龍江口以今形勢論之老河發源在今喀喇沁右翼及札薩克旗之南迤而東北正環繞遼金大定府境卽古託紇臣水吐護

真河及遼金之土河也其北則爲英金河在今翁牛特境自西而東流正當遼金大定府北境即古饒樂水也又北則爲潢河在今翁牛特北境自西而東流逕諸蒙古地當遼上京臨潢府境及金北京路之北境即古潢水一名湟水也又北則爲黑河在今巴林界即所謂烏龍江也諸水下流雖俱會爲一河而其上源相距並數百十里各有經流不容相紊以其處於徽外諸書互相牽引易於混淆故詳辨之旗北有唐松漠府故壘廢饒州城北蕃地理志自潢水石橋至高州百五十里西北至饒州六十里乃唐松漠府故壘承德府志攷今翁牛特北境潢河之北當爲遼饒州地遼志載唐貞觀中置松漠府於此阿保機完葺故壘建饒州匡義軍於此熱河志饒州治長樂縣而別領臨河安民二縣其方位道里無可攷旗北三十里有古爾班圖勒噶山有哈達圖東南至老河錫喇河八十里有阿爾齊圖察罕圖山旗南百二十里有西南至巴顏陀羅海百三十里接摩該泉東流入老河西南至巴顏陀羅海百三十里接西南八十里有阿多因沁山鄂爾特克山百里有蟠羊山蒙古名伊瑪圖旗西南八十里有七金汎蒙古名

和爾楠

東北至什喇木蘭

四十五里接巴林界旗東

勒津依克案遼史地理志中京惠州太祖俘漢民數百

戶於兔鷹山下創城居之遼惠州在中京之東北高州

之東爲今赤峯縣東北西北至特格嶺百五十里接克

境兔鷹山殆卽此也西北七十里有古爾班圖勒噶山百三十里有翁格嶺

爾山百四十里有神山蒙古名翁衮百五十里有蒐濟

山有柳山蒙古名布爾噶蘇台旗札薩克駐札喇峯

西北四十里有布林池東流入潢河西緯克溫都爾在古北口東北六百八十里遼杜棧四

上幸塞外駐蹕努瑚岱昂蒼津率諸台

吉來朝其所居舊名營谷諭改稱巴顏鄂爾齋

圖四十五年尙和碩溫恪公主是年右翼旗札薩克

多羅達爾漢岱青貝勒游牧遜杜棧叔父棟岱青崇德

元年編所部佐領授札薩克掌右翼賜多羅多

爾漢岱青號世襲罔替次子素塞順治十一年封固山

貝子十八年追敘棟岱青功晉多羅貝勒

額布毅萬九

千七百九十石六斗牧地在熱河圍場東北老哈河南岸東至博

爾和百二十里接敖漢界旗東十五里有烏蘭布通

爾丹內犯破卡倫東越越烏蘭布通而南距京師七百

里七月擡遠大將軍裕親王福全師出古北口追及之

八月初一日賊騎十萬陳山下依林阻水縛駝足臥地

背加箱椽蒙以溼氈環列如柵號曰駝城士卒於柵隙

注矢發銃兼施鉤矛以撲我師我領侍衛內大臣佟國

綱帥左翼兵循河而進辟爲賊斃所中歿於陳國綱

山腰捲入暨之陳斷爲二大兵乘之噶爾丹人敗駝頂

威靈佛藉首誓不復內犯是此山矣國史格斯泰傳

大兵征噶爾丹格斯泰隨征師至烏蘭布通噶爾丹於

隔岸樹林中驅臥駝爲營伏兵其後格斯泰直入賊營

左右衝擊賊莫敢當出而復入者再諸將士由山腰繞

賊後擊之潰遁格斯泰乘勝窮追爲河岸渾泥所阻賊

眾掩至格斯泰力戰歿於陳初大兵出征時賜護軍參領等人一馬前鋒參領未豫格斯泰詩之

命自往上駙院選擇馬有白鼻者格斯泰願得之

或言此馬固雄駿然白鼻自古所忌恐不宜用格斯泰

曰效命疆場吾夙願也何忌焉遂乘馬行至是裕親王

奏言與賊戰時親見一將乘白鼻馬三入敵陳眾皆識

爲格斯泰也旗東三十里又有烏蘭峯蒙古謂山峯曰

哈達乾隆十三年理藩院議准札薩克蒙古與同知通

判等地方彼此袒護所屬之人辦理公事不無掣肘應

於翁牛特王旗下烏蘭哈達地方遣司官一人駐劄今

其將喀喇沁翁牛特二玉喀喇沁札薩克一旗及翁牛

特貝子巴林阿魯科爾沁等處凡有蒙古內地民人交

涉事件一併管理四十里有夏屋山蒙古名伊克布祜

圖爾五十里有巴哈布祜圖爾山七十里有白鹿山蒙

古名布祜圖爾九十里有大華山蒙古名布當華九十里

有鬼名山蒙古名札喇百二十南至吐靈格爾嶺八十里

里有屋狐山蒙古名烏納格圖南至吐靈格爾嶺八十里

客喇沁右翼界旗南爲遼松山州地遼史地理志松江

開泰二年置熱河志案松山州松山縣之里至武經總
要未詳方輿紀要松州城在大甯衛西北松山州金降
爲縣改隸高州必與高州相接元一統志松州東至高
州西至興州元松州即遼松山州知爲今翁牛特右翼
境正當中京之西北元一統志又謂松州東南二十里
有遮蓋山攷遮蓋山在今翁牛特右翼旗南三十里松
山州當在其北旗南二十里有古爾班陀羅海山三
十餘里有遮蓋山亦曰阿圭山蒙古名阿惠喀喇入山
十餘里有千佛洞洞口徑丈有八尺高丈有二尺土人
稱爲大碾子洞中有石佛像一旁列阿難迦葉二像循
洞入少折而西路漸窄高廣不盈丈又折而東亦如之
洞內石壁兩厓俱鑿成佛像洞外有金皇統三年劉子
初撰遮蓋山靈峯院千佛洞碑蓋石洞爲遼天台法師
所開洞中千佛則金皇統中僧遊說嗣成之也元一統
志遮蓋山在松州東南二十里有古寺石洞石佛熱河
志遮蓋山在今翁牛特南境小烏珠穆沁廢城南二十
里千佛洞碑銘云縣之東南有山孤嵐名曰遮蓋雲影
巋巋金有松山縣無松山州所稱縣之東南殆卽指松
山縣也元一統志福田寺在松州南關有古佛大像廣
濟寺在松州南關外有塔二座望京山寺在松州東八

十里望京山有古石佛像香臺山寺在松州南八十里
香臺山有石井石峯山寺在松州西南九十里五峯山
有古寺 旗南八十里有畢齊克圖嶺 旗南四十五
里有哈爾吉河八十里流逕右翼南又 西至鄂拉泰阿
之察罕陀羅海山東東流逕右翼南又 西至鄂拉泰阿
東北入旗境會錫爾哈河入英金河
瑪百二十里接圍場界 旗西四十里有大黑山蒙古
名巴顏喀喇熱河志大黑山在承德府治北百八十
餘里當張三營西北高二十餘丈周百餘里複嶂縣厓
煙嵐蒸鬱遙望黝然伊遜河自北來流經其足承德府
志按此卽古陰山分支也陰山自河套西北蜿蜒東走
經承德府全境之北其正幹爲興安嶺是山在承德府
北境形勢雄峻附屬興安自是而北直接圍場內諸山
蓋陰山遠脈經行旁絡之處凡附屬地北諸山原於此
七十里有圖古爾喀喇山八十里有奴克爾山百里有
博都克圖山百五里有柞山蒙古名鄂爾哲有烏魯蘇
圖山百十里有真庫納山有舍爾圖山有溫都爾華山
有巴爾圖山百十五里有慶雲山蒙古名墨爾根百二
十里有得博僧山有杖杆山蒙古名畢頭舍爾 旗西
七十五里有雕窠嶺蒙古名岳洛圖百十里有烏拉岱

谷百五十里有哈瑪爾峯 旗西百十五里有巴倫嫩
拉河源出噶爾齊老東北東南流經巴爾圖山折東北
會烏拉岱河八十里有車爾伯呼河源出努克都呼爾
山東南流會樟河 旗西八十里有白鹿泉蒙古名布
祜圖源出努克都呼爾山南流入烏拉岱河九十五里
有博都克圖泉百里有百月泉 蒙古名準薩喇源出溫
都爾華山南流 北至溫達爾華 八十里接克什克騰界
會烏拉岱河 旗北三十里有塔本
呼圖克山五十里有烏得呼華山六十里有馬鞍山蒙
古名錫喇得博儂八十里有海他罕山 旗北八十里
有拜拉河源出海他罕山南流會英金河有落馬河蒙
古名白爾格源出海他罕山之西北東南流經布爾克
爾圖山入老河金史地理志三韓縣松山縣有落馬河
元一統志落馬河在松州北八十里發源州界鑊鍋嶺
下流入高州境 東南至烏蘭索墨 九十里接敖漢界
一百里入塗河 旗東南四十里有華
和博圖山八十里有阿里察察克察罕 西南至賀爾蘇
陀羅海山百里有聚山蒙古名齊巴噶 西南至賀爾蘇
圖嶺 六十里接喀喇池右翼界 旗西南四十五里有
馬囊噶山山東流有一塔百十里有巴倫桑噶蘇

合山百二十里有大黑山有額爾齊斯山有松山蒙古
名納喇蘇台 旗西南百里有錫喇諾海烏蘭峯百十
里有烏嶺蒙古名烏里百二十里有拜布哈嶺 旗西
南有拜河自喀喇沁流入境東北流經巴顏喀喇山東
北會夾金河又東經烏蘭峯北入老河百五十里有布
屯河西流會宜遜河南入濼河百二十里有高涼河蒙
古名拜布哈源出拜布哈嶺東南流會布屯河入宜
遜河有鴨海圖泉源出大黑山東北流會烏拉岱河東
北至卓索河源 六十里接左翼界卓索河源出旗北海
二十里有方山蒙古名都爾伯勒津三十里有豬羊山
蒙古名伊瑪圖四十里有小黑山蒙古名巴哈喀喇四
十五里有恩德山蒙古名拜斯哈勒五十里有布爾克
爾圖山六十里有繫輪山蒙古名特克爾忒六十五里
有鄂爾綿克山 旗東北 西北至札薩哈喇古勒 百四
五里有阿魯布拉克泉 旗西北百里有巴延布爾噶蘇台山
接克什克騰界 旗西北百里有黃山蒙古名
百五里有鄂爾查爾巴爾圖百四十里有黃山蒙古名
洪果爾峩博又名泥楚渾都爾碧爾山百六十里有圖
莫克山 旗西百二十里有楊木嶺蒙古名烏里雅蘇

合有塞爾和朔嶺百五十里有蝦蟆嶺旗西北百二十里
有烏拉岱河源出楊木嶺會諸小水東流出烏拉岱
折東北流會錫爾哈河百五十里有英金河亦曰
額河源出圍場內都呼岱山會諸小水東南流出英格
爾亦名英格河逕都呼岱山入翁牛特境東南流百四
十里會錫爾哈河又東流八十里逕察罕陀羅海之東
入建昌縣與老河會東流會潢河即古饒樂水也後漢
書鮮卑傳李春月大會於饒樂水上魏書大祖紀北征
庫莫奚渡弱洛水班賞將士十六國春秋後燕錄慕容
寶襲庫莫奚已未北行甲申渡澆洛水距龍城一日程
通典庫莫奚理饒樂水北饒樂水一名加洛環水遼史
地理志中京在饒樂河水之南又高州有樂河熱河志
案饒樂水各書稱名雖殊實一水也一統志原木以饒
樂水爲今潢河之別名攷漢書注但稱饒樂水在營州
北而不詳其里至然隋唐諸史皆以潢水爲契丹所居
而饒樂水別爲奚地魏書太祖紀十六國春秋言因襲
庫莫奚而渡此水通典亦謂奚理饒樂水北則饒樂水
之爲奚所居無可疑矣唐書奚契丹傳凡契丹酋長內
附者皆封松漠府都督以平地松林在其國也奚酋長
內附者皆封饒樂府都督以饒樂水在其國也且舊唐

昔於契丹傳曰居黃水之南黃水卽潢水於奚傳曰自營州西北饒樂水以至其國兩名分見知其必非一水而大甯以北之水源遠流長無如英金河者故知爲古饒樂水大甯爲遼中京云在水之南則水在中京北境可知遼史又云高州有樂河高州南至中京一百四十二里正當中京之北與今英金河之在平泉州北方位亦合百六十里有努古台河源出闕莫克山東流會英金河百五十里有珠爾河東南流會努古台河英金河版西北有奇布楚河源出圍場北泉海喇堪達巴罕之東闕名奇布楚色鎮東南流沿圍場之東北界至奇布楚溝欄入英金河又錫爾哈河源出圍場內會諸小水北流出納林錫爾哈欄入喀喇沁右翼境東北流逕翁牛特右翼境又東北入英金河旗西札薩克駐哈齊特北百十里有溫泉北流入英金河統志作英席爾哈呼朗會典作居師里雅圖一統志作英席爾哈隸昭烏達盟貢道由喜峯口

克什克騰部在古北口東北五百七十里至京師八百

十里東西距三百三十四里南北距三百五十七里東至翁牛特及巴林界西至浩齊特及察哈爾正藍旗牧廠界南至翁牛特界北至烏珠穆沁界遼上京道地上

京有平地松林太宗嘗幸此觀潢源金屬北京路元屬上都路及應昌路

地應昌故城在旗西北捕魚兒海旁元史薛特禪傳至元七年斡羅陳請於朝曰本藩所受農土在上京東北三百里蒼兒海子實本藩駐夏之地可築城以居帝從之遂名其城爲應昌府二十三年改爲應昌路至正二十七年順帝北奔駐應昌府永樂北征記一十二年六月丙申次清平鎮創元之應昌府明入於

蒙古元太祖十六世孫鄂齊博羅特再傳至沙喇勒達

稱墨爾根諾顏

元史忙哥撒兒傳祖撈阿精騎射太祖愛之號爲默爾根僕華言善射之尤者也

今譯改爲默爾根

號所部曰克什克騰

舊作克西克騰又作克忒克刺口北三區志不

石峽在多倫諾爾東北克什克騰境內皆產木之山克什克騰華言半箇也山甚陡峻遠望如坡故名傍多榆檜松柳及佳山水案一旗札薩克一等台吉游牧墨爾即古之平地松林矣

根諾顏子達爾瑪有子三長索諾木

一統志作蘇墨爾戴青

初服

屬於察哈爾天聰八年林丹汗走死率屬來歸順治九

年編所部佐領授札薩克一等台吉世襲罔替

佐領十額存毅

千三十六

石七斗 牧地在開場北當潢河之源

潢河在旗西百有五里大遼水

之西一源也蒙古名西喇木倫又作什拉磨楞源即此東北流爾赫賀爾洪遠太宗幸平地松林觀潢源即此東北流會諸水經旗北又東流入巴林界康熙二十九年我兵既大敗額魯特衆於烏蘭布通噶爾丹迫於追襲遂由北載木橫渡大磧山遁走剛阿腦兒所過皆燒荒以絕追騎剛阿腦兒者即與達爾諾爾相連之剛噶諾爾也

東至畢勒固圖和碩

百六十三里接巴林及翁牛特界旗東四十五里有蜘蛛山蒙古

名阿爾札五十里有三金山八十一里有高淀山南至
蒙古名音納哈喇八十五里有拜察默爾哲峯三十九里
布圖坤三十七里接翁牛特右翼界旗南三十九里
哈蘇有巴爾嶺四十里有高柳谷蒙古名伊克布爾
台西至克勒特格伊場百七十一里接察哈爾正藍
諭大學士伊桑阿等著於四十九旗蒙古每佐領
挑選三四名人給馬三匹甲胄弓矢全副月人給銀一
兩喀爾喀兵亦選三千名遣我內地章京探練聯屯於
察哈爾正藍旗界上以至哈爾河噶爾丹倘有舉動
該王貝勒貝子公台吉等卽率此軍而行旗西四十
里有烏蘇圖杜爾賓山九十里有大黑山蒙古名巴顏
喀喇旗西四十里有薩里克河源出烏蘇圖杜爾賓
山東北流入黃河六十里有伊里庫窩圖河源出烏蘇
圖杜爾賓山東北流入黃河六十里有柳林淀蒙古
名木錫夏源出興安嶺東南流會哈爾達蘇台河百五
十里有蒿賚庫勒泊克爾特黑庫北至烏蘇池三百二
勒泊三十里有烏蘇圖庫勒泊北至烏蘇池三百二
接浩齊特界旗北百三十里有黃山蒙古名巴顏洪
果爾二百五里有布倫山二百四十里有雙山蒙古名

屯圖爾二百七十三里有木葉山蒙古名濟吉思都爾

旗北百十里有墨爾哲峯二百里有色爾蚌峯

北五十里有白河蒙古名阿魯察罕源出岳魯爾山西

流會塔里齊河二百六十里有土河蒙古名西巴爾台

源出木葉山東流會木錫夏河黑河哈爾達蘇台河東

南入潢河百六十里有木錫夏河源出興安山東南流

會哈爾達蘇台河百九十里有哈爾達蘇台河源出溫

泉東流入巴林界會黑河三百二十里有馬淀蒙古名

阿克塔烏爾格呼百八十里有溫泉東南至陀墨達昆兌

爾達哈爾潭汨百九十里有溫泉

河五十一里接翁牛特左翼界旗東南二十五里有

甯楚渾杜爾賓山五十一里有伯里克哈爾馬爾峯

旗東南二十里有韋里河源出興安山東北流會高涼

河四十一里有春得布河源出甯楚渾杜爾賓山東流

入翁牛特西南至卓克都爾河四十里接察哈爾正藍

界入老河

里有恩都爾華山四十三里有漠海恩都爾山八十二

里有烏蘭布通峯旗西南十五里有巴哈布爾哈蘇

合谷旗西南五十里有高涼河蒙古名拜察源出拜

察泊東北流入潢河又有四道河口北三廳志四道河

在多倫諾爾東北九十餘里察哈爾正藍旗與克什克騰交界之境中產細鱗魚極肥美 旗西南三十四里有達爾漢漢多林初名道圖略 聖祖賜今名 東北至洋圖喀喇和碩喇漢多

百五十四里接巴林及烏珠穆沁右翼界 旗東北六十

十里有岳碧恩都爾山百四十五里有馬尾山蒙古名

蒐濟 旗東北四十里有塞當拉虎峯百里有烏蘭峯

北流入黑河百五十里有哈爾漢河源出漠海恩都爾

山西流至烏蘭布通峯又東入潢河五十里有額伯里

察罕河源出塞當拉庫峯東南流會拜察河三百十里

有阿爾達圖河源出興安山西北流入烏珠穆沁界北

流會呼魯 西北至蘇巴爾噶濶霍果里 二百十里接阿

谷爾河 旗西北六十里有巴哈伊薩里山百里有伊克伊薩里

山百十五里有博羅阿吉爾汗山百七十五里有博爾

多克山二百十里有牛心山蒙古名巴顏朱爾克 旗

西北三十五里有碧齊克圖峯 旗西北六十五里有

依爾都黑河源出烏蘇圖杜爾賓山西北流入薩里克河

五十里有塔里齊河源出烏蘇圖杜爾賓山東流入漢

河百三十五里有格類河源出興安山東南流入潢河
百五十里有碧落河源出興安山東南流曾格類河入
潢河百九十里野豬河蒙古名樹爾哈源出永安岡
東北流入捕魚兒海二百二十里有公姑爾河源出巴
顏朱爾克山西南流入捕魚兒海二百四十里有錫林
河源出俄倫泊西流入阿巴噶左翼界二百八十三里
有吉林河源出散爾巴山東北流入浩齊特界
北百六十二里有岡噶泊百六十八里有達漢泊百七
十里有捕魚兒海蒙古名達爾公姑野豬等四河流入
其中周數十里元史薛特禪傳上都東北三百里有蒼
兒海子札薩克駐吉拉巴斯峯會典作空格爾河隸昭烏達盟
貢道由獨石口所部札薩克每年八月進活羊
二十隻十二月進湯羊二十隻

喀爾喀左翼部在喜峯口東北八百四十里東西距百二
十五里南北距二百三十里東至科爾沁界西至柰曼
界南至土默特界北至札喇特及翁牛特界古鮮卑地

唐屬營州都督府後入奚遼爲上京道南境金屬北京
路明爲喀爾喀所據元太祖十六世孫格哱森札札賚
爾琿台吉居杭愛山始號喀爾喀有子七部族蕃衍分
東西中三路其長子阿什海達爾漢諾顏生子二長巴
延達喇爲西路札薩克圖汗祖次圖們達喇岱青子碩
壘烏巴什琿台吉生子三皆爲喀爾喀西路台吉康熙
三年碩壘烏巴什琿台吉第三子衮布伊勒登因其汗
爲同族台吉所戕部衆潰越瀚海來歸先是土謝圖汗
部台吉本塔爾內附駐牧張家口外至是 詔衮
布伊勒登牧喜峯口外所居地分東西故本塔爾稱喀

爾喀右翼衮布伊勒登稱喀爾喀左翼

自喀爾喀初以來

誠名凡三曰舊喀爾喀內而最早後編入八旗附牧察
哈爾界曰內喀爾喀卽此隸內札薩克之左右翼二部
及附牧土默特一旗曰外喀爾喀卽今隸外札薩克之
土謝圖汗車臣汗札薩克圖汗賽音諾顏四部也又有
附牧青海之喀爾喀一旗札薩克多羅貝勒游牧康
旗與青海額魯特同盟

熙三年授衮布伊勒登爵世襲固替

領牧地當養息

牧河源

養息牧河在旗東南蒙古名虎吉爾源出旗南
三十里東北流經喀海陀羅海山又東南會庫

崑河經養息牧牧場之東流入彰武臺
邊門西至廣甯縣地又東南流入遼河東至霍吉爾河

七十五里接希勒革圖營界旗東六十里有
喀海陀羅海山七十里有虎蘇博羅溫都爾岡南至當

道斯河

百里接土默特左翼界旗南四十里有達綠
陀羅海山有巴哈哈伯他海山五十里有伊克

哈伯他海山百里有黎谷山蒙古名阿里馬圖喀刺
旗南六十里有庫崑河源出五會山東流入土默特界

又東流入養息牧河，西至博羅霍吉爾池，五十里接北

至潢河，百三十里接札魯特界，潢河白翁牛，東南至黑

水，蒙古名喀喇烏蘇，百四十里接土默特左翼界，

爾和哈達圖山，西南至巴爾呼之博羅溫都爾山，一統志作青

接土默特右翼及奈曼界，旗西南六十里有五會山，

蒙古名烏尼蘇台，七十五里有巴顏喀喇山，旗西南

四十里有白水灤，東北至訥勒圖，百四十里接奈曼界，

默黑察罕圖，西北至歌格爾墨林，百三十里接奈曼界，

奈曼流入境，東北流會潢河，旗西北為遼，永州地，一

統志案遼時，永州當在老河會潢河處，遼史地理志，永

州永昌軍太祖於此置南樓，乾亨三年置州於皇子韓

八墓側，東潢河南土河二水合流，故號永州，今老河即

古土河，永州札薩克駐察罕和碩圖，隸昭烏達盟，院則

疑置於此。

例載每三年查閱各盟。切秋兵丁一次。哲哩木卓察圖昭烏達爲一班。派大臣一員。司員一員。乘驛前往會同該盟長。至各札薩克處。案旗查閱。貢道由喜峯口。

蒙古游牧記卷之三

道州何慶涵覆校